

Stori soim holim pasim bilong raskol man Kapis..

- Pes 2

PNG mas strongim wok long boda...

- Pes 3



Wantok

Namba 1852 Wan Wik Februeri 11 - 17, 2010

Niuspepa Bilong Yumi Ol PNG Stret!

K1 tasol



RAUSIM! Ol wokman bilong Prime Management Services i rausim ol moto baik na ol arapela masin long ka long go long Saut Flai, Westen Provins. Dis-pela ol motobaik em ol wokman bai yusim long go long bus na kisim gris bilong diwai na mekim bilong strefim skin na oraitim ol sik manmeri.

Ritim stori long pes 5

Toktok wantaim 11 toea Olgeta De na Olgeta nait!

Toktok lonpela taim, insait long mak bilong nomol rate tasol!



Ringim ol poroman bilong yu long Digicel o long ol lenlain na toktok wan minit long nomol reit, na bihain long en, bai yu peim tasol 11 toea long wan wan minit.

Digicel

Di tems na kondisens bilong digicel i stap. Long painim aut moa, kolim kastoma kea long 123

Wara pasim skul long Lae siti

Bustin Anzu i raitim

PLANTI skul insait long Lae Siti long Morobe Provins ino statim ol skul yia bilong ol gut. Dispela em long wanem, problem bilong wara insait long siti ino gutpela tumas na ol skul insait long siti i skruim ol klas igo long dispela wik.

I no gat wara bilong

toilet na wasim han na bilong wasim ol klasrum na mekim ol narapela wok.

Wara em laip na taim ino gat wara long skul, ol skul i lukim olsem, bipo long ol sumatin i painim sik, ol i givim ol wanpela moa wik long ol i ken stap malolo moa taim wara i go bek long ol skul.

Wanpela long ol dis-

pela skuls em Yunivesiti bilong Teknoloji long Lae. Unitek i skruim wanpela moa wik long statim ol klas bilong ol.

Long wanpela pres rilis, Yunivesiti Kaunsil Siaman Philip Stagg i tok ol klas bai stat wanpela wik bihain long taim bilong statim ol klas.

■ I go moa long pes 3



Stori soim holim-pasim bilong raskol man Kapis

POLIS operesin long Mosbi i bin holim pasim bikpela raskol man William Nanua Kapis long wanpela lods o gest haus long Mosbi long las wik Sarere apinun bihain long wanpela man i bin ring na givim infomesin long polis.

Kapis wantaim 11-pela narapela kalabusmani bin ronawe long bikpela Bomana Haus kalabus long Januari 12 long dispela yia Mosbi bihain long wanpela meri i giaman olsem wanpela loya i bin go long wanpela Toyota dabol kep kar na helpim long rausim ol i go aut.

Hia em stori wei bihainim taim ol polisi wok-hat tru bihainim wanpela infomesin bilong wanpela man na i holim pas dispela bikpela raskol man William Nanua Kapis long las wik Sarere.

Sarere Februari 6: Wanpela man i bin hait tasol na i ringim ol plis na i toksave olsem wanpela kalabusman husati ronawe pastaimi wok long raun i stap long Godens stua eria long Mosbi. Dispela mani tokim ol polis olsem dispela kalabusman tasoli ken go pas na soim rot igo long ples we bikpela raskol man ya William Kapis i hait stap long en.

Bihain long ol polisi kisim dispela infomesin, oli draiv igo olsem long Godens stua eria nai holim pas dispela kalabusman. Dispela kalabusman yai wokabauti kamaut long stua long Godens eria taim ol polisi



Gutpela Wok, Polis Komisina i tok tenkyu long ol opisa bilong em long gutpela wok ol mekim long kisim bek William N Kapis husat i ron wei long haus kalabus long Mun go pinis.

banisim eria nai kisim em. Dispela kalabusman ya bihaini kisim ol polis na oli wok long wanpela lods wei stap long sait tasol long Poreporena Friwe namel tasol long Godens na Erima we Kapis i wok long haiti stap.

Polisi banisim dispela eria nai holimpasim Kapis. Long dispela taim oli holimpas Kapis emi bin stap wantaim wanpela man na wanpela

meri long dispela lods. Kapis i bin holim tu wanpela ,38 Spesol pistol. Dispela tupela lain tu em polis i holim-pasim ol na karim igo long stesin.

Maski olsem Kapis i bin karim pistol, em ino sakim tok bilong ol polis man. Emi apim han tasol na givim em yet long polis.

Taim ol polisi wok long bisi long

lukluk long Kapis i stap, dispela narapela kalabus man yai traim long ronawe. Tasol ol polisi sutim em na em ino ronawe na oli kisim em igo long Pot Mosbi Jenerol Hausik.

Polis Komisina, Gari Baki i givim bikpela tok amamas bilong em igo long ol polisman husati mekim gutpela wok long dispela taim long holim-pasim Kapis.

Tunde Februari 9: Kapis i bin sanap long ai bilong Kot long tupela sas insait long wanpela bikpela was tru bilong polis. Taim Kapis i kamap long Kot Haus emi tokaut olsem dispela laip bilong em olsem raskol mani gat sampela sapoti kam tu long ol politiks lain. Long dispela as tasol na emi karim wanpela pistol o liklik gan long was lukautim laip bilong em. Kapis ino toktok moa taim Mejistret Danny Wakikurai tok olsem brukim lo taim polisi holimpasim em wantaim pistol i stap long em. Kapis i kisim sas long ronawe long banis kalabus long Bomana na tui holim wanpela pistol wantaim em.

Mejistret Wakikurai tokim Kot olsem bikpela samting em olsem Kapis i ronawe long kalabus pinis na emi tokim ol polis prosekusin long kisim edvaisi ken i no ken kisim dispela sas gen.

Mista Wakikurai givim taim gen long harim Kot ya long Mas 2 long kamap wantaim disisen ong wanem mekim-save na emi tokim ol lain polis prosekusin wantaim Koreksin-nol Sevises (CS) long kisim wanpela stretpela rekot bilong konviksin long em i ken givim mekim-save.

Plantii manmeri trui bin sanap arere long ol rot long Boroka Kot Haus long Tunde taim Kapis i bin go sanap long Kot. Plantii laik lukim stret long ai bilong ol husat tru em dispela man Kapis.

Kalsa noken bagarapim wok developmen

Paul Zuvani i raitim

STRONGPELA Papua Niugini i ken kamap sapos ol manmeri i senisim sampela pasin kalsa na kastom bilong ol.

Na wantaim senis long kalsa, tingting tu i mas senis long ol manmeri i lukim gutpela sindaun, Don Polye, Minista bilong Trensport, Sivil Eviesen na Woks i tokaut long dispela long taim em i tokaut long US\$400 milien (K1.4 bilien) fand em Esia Developmen Beng (ADB) i givim long stretim ol rot long Hailens rijen.

Dispela mani em Mista Polye i tok bai bung wantaim US\$800 milien (K2.4 bilien)

em Gavman i makim bilong stretim ol rot long Hailans rijen long narapela faivpela yia i kam.

Minista i tok dispela em i namba wan taim long histori bilong kantri long lukim Beng i givim bikpela mani olsem.

Long US\$800 milien, US\$240 milien (K800 milien) bai kam long Gavman olsem kaunta fanding na US\$160 milien bai kam long ol arapela ejensi olsem PNG Sastenabel kampani.

Em i tok em i amamas na tok tenk yu long Beng i givim kain mani olsem long wanem wantaim kain mani Gavman inap stretim na kamapim ol gutpela rot long bringim sevis i

go long ol pipel.

Tasol hevi bilong kompensen i save holim bek wok bilong Gavman long kamapim ol rot long ples.

"Mipela bai kamap wantaim lo we aninit long dispela lo wanem hap bilong graun i stap foapela mita longwe long rot bai i no inap long kisim kompensesen," Polye i tok.

"Mi laikim dispela kalsa i mas senis na pinis."

"Kain kalsa i pasim gutpela wok developmen long kamap.

Minista i tok em i tok long Palamen we ol Memba bai vot long mekim olsem nogat kompensen bai go long ol samting i stap long foapela mita longwe long rot.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE per copy	QTY	SUBTOTAL
PNG Tok Pisin English Dictionary	9780195551129	K38.50		

Net Payment
 Cash Payment
 Credit Card Payment

Freight cost for each book:
 K5.00 (overseas), K3.00 (domestic)
 K12.50 (overseas), K11.50 (overseas)

FAX BACK TO: (675) 325 2579
 If you are ordering more than one copy please contact us for a quote.

Name (print): _____
 Address (print): _____
 City: _____
 State: _____
 Zip: _____
 Phone: _____
 Fax: _____
 Email: _____

Account Name: World Publishing Company Ltd
 Account Number: 100-000-5380
 Bank: Bank of South Pacific Ltd
 Branch: Commercial Centre
 Branch Code: 9851
 Swift Code: BOSP990M

PNG mas strongim wok long boda

Bustin Anzu i raitim

PAPUA Niugini mas kamapim gutpela wok long boda na kamapim gutpela rilesensip na wok patnasip wantaim Papua Provins bilong Indonesia. Na dispela wok patnasip em inap long helpim sampela ol kantri we i laikim dispela kain sevis.

Na long kamapim dispela gol o plen, Asian Development Bank o ADB bai mekim kamap \$25milien lon (loan) na Teknikol ad-

vais gren olsem \$900,000 long kamapim dispela Pailot Boda Tred na Investment Development Project).

Dispela bai rausim pasin bilong kontrolim ol sevis namel long West Sepik Provins bilong Papua Niugini na Papua Provins bilong Indonesia, na helpim ol institusen long helpim ol praivet sekta invesmen - wanpela namba wan step

we ADB na gavman i kisim long strongim ikonimik koporesen namel long Papua Niugini na Asia, benk i bin mekim dispela toktok long wanpela nius rilis long las yia.

"Dispela em namba wan projek bilong Asian Development Bank long helpim ol provins long PNG we ino gat planti wok Development long kisim sampela helpim i kam long Asia.

"Em i gat bikpela strong long kamapim wanpela gut-

pela ikonimik rot bilong bisnis i gro na olsem wanpela senta tu, ino bilong Wes Sepik, tasol ol narapela provins klostu tu," Dairekta General bilong ADB Pasifik Depatmen Hafeez Fahman i tok.

Wes Sepik em wanpela provins we ino gat gutpela sevis na ol narapela wok Development tasol em i gat gutpela rot bilong wok Development, long strongim ikonimik wantaim ol narapela kantri klostu long ol,

we i ken kamapim gutpela sevis long prais i daunbilotru, we ol narapela bai putim igo antap long Papua Niugini.

Dispela projek bai senisim o wokim nupela ol samting bilong boda, trenim ol long kamapim ol liklik bisnis, kamapim sosol development program we bai skulim ol long edukesen na sapotim ol long wok bilong helt na rot bilong stopim HIV/AIDS long ol komyuniti bilong Boda.

"I mas igat planti lain igo i kam long Indonesia, we ol manmeri long Wes Sepik provins, long mekim maket bilong ol long gutpela prais, traime na kamapim rot i isi long PNG i eksportim ol samting bilong ol, kamapim bisnis rot moa, kamapim wok na strongim wok bilong kirapim kantri na daunim poveti," Cai Li, wanpela wokman bilong ADB Pasifik Rijen Dipatmen i tok.

Em i tok dispela em long wanem, problem bilong ol wara we i wok long sot na ino ran gut insait long siti olsem na bai skul ino inap stat long taim ol i makim.

Em i tok stat bilong lukim skul ples o orientesen em long Februari 15-19. Dispela det nau bai senis igo long 22-26 na ol klas bai stat long Mande, Mas 1.

"Ol sumatin mas noken kam pas long skul long Trinde 17. Olgeta mas kam bihain long dispela det mipela setim. Sapos sampela i kamap pinis, orait ol mas painim ol wantok na stap inap bihain long dispela Trinde," em i tok long wanpela press rilis.

Em i tok dispela disisen ol wokim em long gutpela bilong skul long wanem, wara saplai ino kam tumas na tu, igat ol hevi bilong helt tu. Olsem na ol bai wet inap ol Watabot lain i stretim wara gut insait long siti.

Ol sik bilong wara i bin kamap planti tru, na dispela i fosim ol manmeri long igo long ol bikpela wara long was was, wasim klos, drink na kuk tu. Dispela em ino gutpela long wanem, wara i ken kamapim planti sik.

Em i tok Watabot tu ino

Wara pasim ol skul long Lae siti

I kam long pes 1

givim ol wanem taim stret bai wara i orait olsem na ol ino inap toksave long ol sumatin olsem ol bai orait wantaim wara.

"Mipela i no laik putim ol student long wanpela kain mak nogut olsem na mipela bai skruim taim bilong statim klas inap taim wara i go bek long nomol ron bilong em," Stagg i tok.

Moa long 2700 sumatin bai go long dispela bikpela skul na 1574 sumatin bai slip insait long skul long Taraka Kempos.

Narapela 105 bai stap long Okari Kempos taim ol narapela ol selp sponsa pikinini bai painim hap ples bilong ol yet long slip na go long skul.

Sampela sumatin i go pinis long skul tasol ol rum em bai ol ino inap skelim inap bihain long Februari 17. Nau yet, ol i stap wantaim wantok bilong ol.

Na long ol nius bilong wara insait long siti, wara i sot yet maski ol i kisim sampela nupela pam bilong pamim wara igo long Lae.

Ol wokman bilong Watabot yet na Niugini Elektrikel i wok long dispela ol pam yet.

long ol stua i pulim planti lain long baim dispela drink.

Samting olsem 1.5milien 500ml coca cola em ol i bin baim na dringim long pilai o stap insait long dispela resis na dispela em wanpela namba wan kompetisen we Coca Cola i ronim.

Nesenel Maketing Menesa Louise Maher i tok dispela em wanpela bikpela resis we ol i kamapim insait long tripela mun olgeta, we planti manmeri na pikinini tu



BRRRR BAS: Maher (wantaim ai glas) wantaim ol wanwok bilong em long Coca Cola i sanap klostu long bus we ol bai winim. Polisman Sinia Konstabel Daniel Kaie i sanap witnes. Foto: Bustin Anzu

Lae winim Coca Cola brrrr bas

Bustin Anzu i raitim

COCA COLA Amatil (CCA), namba wan sof dring kampani long Papua Niugini bai givim aut 4-pela 15 sita Toyota Hiace bas i go long ol wina bilong 4-pela rijen. Ol i bin droim o toksave long ol wina las wik Sarere.

Dispela pilai resis, we ol i dringim 500 ml coca cola na rausim karamap na raitim nem na putim i go insait long bokis we ol i sanapim

ol i joinim dispela resis bilong winim bas.

"Dispela em wanpela bikpela pilai resis we olgeta lain i tingting long winim. Mipela i lukim planti lain i ron insait long dispela raitim nem kompetisen. Mipela ino save lukim kain namba olsem i save resis olsem bipo," em i tok.

Maher, em yet i stap na pulim nem bilong wina bilong Momase rijen, we igo long wanpela man long 10-

mail, Dining Maiino, autsait tasol long Lae.

Maher i tok ol dispela lain husait em ol i kolim nem bilong ol i mas kam wantaim sampela samting olsem ID na kisim ol kar bilong ol. Olsem na ol entri pepa bai stap yet igo inap pinis bilong mun Mas.

Sapos ol dispela lain we ol i kolim nem bilong ol ino kam soim pes namel long dispela taim, ol bai droim gen ol entri pepa.

WORKING ALL OVER PNG

BRUT - SLIP ON

**NUBUCK - 6" LACE UP
SUEDE LEATHER**

**EXPLORER - 8" LACE UP
BROWN KIP LEATHER**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars

BISHOP BROTHERS NATIONWIDE

everything for industry...

Pawa saplai go long rurel ples

MEMBA bilong Mendi na eking gavana bilong Sauten Hailans provins, Pasto Issac Joseph long dispela wik i givim wanpela sek mani mak olsem K500,000 long kirapim wok bilong rurel ilektrifikesin insait long distrik o ilektoret bilong em.

Dispela mani bai go long pulim pawa o ilektrisiti i go long ol ples insait long distrik long givim sans long ol manmeri long sindaun long lait na tu yusim pawa long kuk na mekim ol narapela wok bilong ol.

Dispela projek bai i lukim pawa-lain i ron samting olsem 40-kilomita stat long Mendi

taun igo long Mogol Sekendari skul na igo moa yet long Birop viles na bihain long Map igo long Monihui Stesin na Bela viles.

Sif eksekutiv ofisa (CEO) bilong PNG Power, Tony Koiri i tok olsem PPL bai gohet yet long karimaut wok bilong rurel ilektrifikesin o bringim pawa igo long ol rurel distrik long Sauten Hailans na em i strongim toktok bilong em igo long eking gavana Pastor Issac Joseph i tok olsem dispela projek bai i pinis long taim stret.

Pastor Joseph i tok olsem ol pipel bilong em bai wok bung gut wantaim PPL tim long

lukim olsem dispela projek i pinis hariap na long taim stret.

Em i tok tu olsem ilektrisiti o pawa sevis bai helpim gut distrik bilong em long develop gut na em i askim ol pipel bilong em long senisim pasin bilong askim tumas long kompens-esin na lukim olsem dispela projek i kamap orait na bringim gutpela senis long laip na sindaun bilong ol pipel long ples.

TENK YU: Eking Gavana bilong Sauten Hailans, Pastor Issac Joseph i givim K500,000 sek mani i go long Sif Eksekutiv Opisa bilong PNG Power, Tony Koiri.



LAIKIM TRU: Wankain dril bilong Interoil i helpim em long drilim Antelope-2 ges fil long Baimuru, Galp Provins.

InterOil tokaut long baim bilong namba tu dril

WEL na ges kampani, InterOil Korporensen i tokaut long dispela wik long baim bilong namba tu dril bilong em.

Dispela em i 1,500 hospawa helipotabel "tripel" rig em Parker Drilling i mekim.

Save bilong mekim dispela dril na givim sevis wok long ol masin bilong wel nau i stap long Nu Silan.

Kos bilong dispela masin i stap long US\$4.5 milion (K12.9 milion).

Mak bilong rig i stap olsem:

OIME SL-1500 hospawa helipotabel "tripel" rig;

Tesco 500 tan top draiv;

Tupela 1,300 hp mad pam we tupela wantaim i 5 ins na 3 na hap ins dril paip na

60 tan kren na 40 tan kren.

Nupela rig inap long digim inap olsem 16,500 vetikol fit na drilim ol

horizental seksen we i bikpela moa long ol dril we kampani i wok long gat long en long dispela dispela taim.

InterOil siaman na sif eksekutiv opisa Phil Mulacek i tok kamap bilong dispela dril nau bai mekim wok bilong kampani i isi.

Em i tok wantaim dispela wok developmen long Elk na Antelope projek bai kamap gut na ol arapela eksplorasen wok bilong kampani.

Kampani i hop long pinisim trenseksen na stretim tubula na roteting masin bilong en long namba wan bilong dispela yia.

"Mipela i amamas long masin mipela i baim bikos long we Parker Drilling kampani i mekim dispela dril."

"Na mipela i save olsem masin bai mekim gutpela wok na helpim mipela," Mista Mulacek i tok.

K144 milion skul fi sabsidi bilong dispela yia

...K30 milion bilong ol elementeri go long benk

Veronica Hatutasi i raitim

OL elementeri skul long kantri bai kisim namba wan hap long skul sabsidi peimen mani bilong ol klostu taim.

Dispela i bihainim Edukesen Dipatmen i putim K30 milion i go insait long ol beng akaun bilong ol skul long dispela wik.

Edukesen Sekreteri, Dokta Joseph Pagelio i tokaut long dispela long taim bilong opim 2010 skul yia na tu, lonsim Nesenel Bihevia Menesmen Polisi long dispela wik Tunde.

Em i tok ol sumatin long Elementeri skul level i stat long Elementeri Prep i go long Elementeri 1 na 2 bai i no inap long peim skul fi tasol ol bai i skul fri. Gavman i wokim dispela bikos ol i laikim bai olgeta pikinini long kantri i go long skul na lainim save. Ol i kolim dispela long yunivesel besik edukesen. Na gavman bai i go hetim fri edukesen long elementeri level long 10-pela yia i kam. Bihain, em bai mekim wankain long praimer i na sekonderi level.

Dokta Pagelio i tok manimak bilong ol Elementeri skul ol i putim long beng long dispela wik em L30 milion. Namba tu hap ol bai salim bihain tai mol i wokim tupela samting. Em long wokim ripot long rot ol i yusim mani long

em na mak bilong ol sumatin skul i gat long en. Sapos nogat ol dispela ripot, skul i no inap kisim namba tu hap long ol skul sabsidi mani.

Long dispela yia, Nesenel Gavman i katim K144.3 milion olsem skul fi sabsidi long helpim ol papamama i salim ol pikinini bilong ol i go long skul, stat long elementeri i go long sekonderi level.

Dokta Pagelio i tok long ol yia i go pinis, gavman i wok long givim ol skul fin a Edukesen i wok long tilim i go aut long ol skul long kantri. Em i tok planti skul i wok long apgretim ma karimaut ol wok mentenens long ol skul bilding, ol klasrum na ol haus tisa wantaim ol dispela skul sabsidi mani.

Tasol em i tok ol skul i mas wokim na givim ripot long rot ol i yusim ol mani long ol bipo ol i kisim ol skul sabsidi mani bilong ol. Ol lowa praimer i go inap long sekonderi level skul bai kisim 40 pesen skul sabsidi bilong ol pastaim. Na laspela hap long 60 pesen make m ol bai kisim bihain long ol i givim ripot bilong ol.

Edukesen Minista James Marape i singaut long ol skul bilong noken rausim ol pikinini long skul sapos ol i no peim skul fi.

Em i singaut long ol skul atoriti long noken stopim rait

bilong ol pikinini long skul tasol larim ol i skul taim ol papamama na gadien i wok long painim mani long stretim skul bilong ol pikinini bilong ol.

Long wankain taim, Mista Marape i tok i moabeta long ol papamama i luksave olsem ol skul i laikim mani long ol wok operesen long ol skul long stat bilong skul yia. Em long baim ol skul metiriel na ol risos buk bilong ol tisa na ol sumatin long statim gut skul.

"Fi we ol papamama i baim i kontribuit long operesen bilong skul na olsem, ol papamama i mas mekim wok bilong ol na peim ol skul fi long ol pikinini bilong ol," Mista Marape i tok.

Mista Marape taim em i tok kliia long Yunivesel Besik Edukesen (UBE) i tok wantaim sapot bilong ol papamama na ol stekhola o patna, long yia 2019, 85 pesen bilong ol pikinini inap stap long skul bai i stap pinis long skul.

Tasol em i tok bai gavman na kantri i tromoim bikpela manimak inap long 16 bilion long mekim dispela wok insait long 10-pela yia i kam. Olsem na em i singaut long ol pipel insait long kantri long wok bung na givim sapot long mekim dispela plen i wok na ron gut.

PNGSDP bung long kamapim wel



BUNG WANTAIM: Midire (rait han) i sindaun pasim tok wantaim Rose long Ela Bis Hotel long kamapim wel.

Paul Zuvani i raitim SIF Program opisa bilong Papua Niugini Sastenibel Developmen Program (PNGSDP), Camilus Midire i tokaut long kamapim wanpela lokol wel.

Dispela we bai kam long wanpela diwai bilong bus na Progreim bai bung wantaim narapela kampani long kamapim dispela wel.

Dispela diwai em ol i kolim wariawaira na Progreim i kamapim join ventsa wantaim Australia kampani Prime Menesmen Sevises long kisim gris bilong dispela diwai na mekim wel.

Mista Midire i tok dispela wel i bilong stretim skin na i olsem marasin bilong oraitim sik manmeri wantaim.

Midire i makim Bod bilong dairekta bilong PNGSDP long tokaut long dispela join ventsa long Tunde dispela wik.

Dispela projek bai kamap long Saut Flai long Westen Provins.

PNGSDP bai gat 40 pesen bilong sea long dispela projek na i bai givim bek dispela sea i go long ol manmeri bilong dispela Westen Provins taim em i lukim projek i kamap gut.

Midire i tok PNGSDP na PMS bai statim dispela projek long mani mak bilong K1 milien.

Em i tok PNGSDP i amamas long kamapim wokbung wantaim PMS we em i tok PMS i bin stap long dispela bisnis long Australia long sampela yia pinis.

Midire i tok papa bilong PMS Stephen Rose i kamapim Melcare Australia na i stap long bisnis bilong agribisnis we em i save kamapim na kisim marasin long ti na kisim wel bilong em.

"Mipela i stap olsem trustee bilong ol manmeri bilong Westen Provins taim mipela i kisim 40 pesen long

dispela join ventsa." "Dispela sea i no bilong kampani tasol bilong ol manmeri taim olgeta samting i kamap orait, menesmen bilong dispela mani bai go bek long ol manmeri bilong Westen Provins," Midire i tok.

Em i tok wantaim dispela Progreim tu i givim K1 milien grent i go long sapotim sosel na ikonmik infrastruktsa, mentenens na developmen long sapotim kamap bilong bisni long Saut Flai ilektoret.

Na Progreim i wok long toktok yet long askim Maikrofainens benk long em i surukim sevises bilong en i go long hap bilong Morehead.

Em i tok dispela em bilong helpim ol manmeri husat bai gat planti mani na i painim ples long putim taim wel, ges na ol arapela bikipela projek i kamap long ples bilong ol.

Long makim maus bilong PMS Sif Eksekutiv Opisa (CEO) Stephen Rose i tok wok bilong kampani bilong en i bilong kisim wara na wel long lip bilong "Asteromyrtus symphyocarpa" diwai o long as ples tok ples bilong ol Saut Flai ol i kolim wariawaria.

Em i tok kampani i mekim sampela traim loing gris o wara long dispela diwai long Sauten Kros Yunivesiti, Kwinslen Australia we i soim olsem wel bilong diwai i gutpela long stretim skin na oraitim sik.

Kampani bai kisim gris bilong ol diwai long mak bilong graun olsem 470,000 hekta.

Rose i tok bisnis bai kisim inap olsem 20 viles manmeri.

Na win mani wan wan famili bai kisim bihain long wan wan yia i sanap olsem K2500.

"Dispela i bikipela mani moa long win mani ol i kisim maining sekta," Rose i tok.

3toea SMS with X'cess Fixed Wireless

3t SMS



Get Smart, get Connected with X'cess

- 6t per min local prepaid peak
- 3t per min local prepaid off peak

& now 3t per SMS



Call Customer Care for information on: 323 4444 / 344 4444



*SMS Service is available within the CDMA network only, and available to certain locations in PNG.

Polye laik bungim kantri wantaim rot na bris

Paul Zuvani i raitim

BIPO long pinis bilong faivpela yia, gavman i laik lukim planti hap bilong kantri i op wantaim ol rot, bris na ples balus.

Na arere long taim em i developim ol nupela rot long wankain taim em bai stretim na yusim infrastruktsa we i stap pinis olsem ol olpela rot, bris, jeti na ples balus o we ol kampani i kamapim na wok i stap pinis gavman bai stretim na yusim tasol dispela ol rot na bris.

Minista bilong Trespot na

Sivileviesen na Woks Don Polye i mekim dispela tok long taim em i tokaut long plen bilong em long developim trespot na sivileviesen infrastruktsa long kantri.

Long helpim em long lukim dispela sevis i go long ol manmeri Polye i tok em bai kamapim Trensport Fan we em bai wok bung wantaim ol arapela Dipatmen olsem Tresari na Fainens long kisim mani na putim mani long dispela fan.

"Gavman bai kamapim Trensport Fan long helpim long stretim na kamapim ol rot long

kantri," Mista Polye i tok.

"Bipo long dispela faivpela yia i pinis mi laik lukim olsem planti hap bilong dispela kantri i konekt," em i tok.

Ol arapela samting Polye i tok long mekim em long stretim rot namel long Lae na Nadzab long Morobe provins, wokim rot long Morobe na Sauten rijen i kam long Sentrel Provins.

Narapela em long mekim rot long Hailans na kamdaun long Galp provins na long Galp i kam long Pot Mosbi.

Minista i plenim tu long opim

rot namel long tupela Is na Wes Nu Britan provins, Bogenvil ring rot, Nu Ailan Buluminski Haiwe na Is na Wes Sepik Haiwe.

Em i tok ol pipel i gat rait long gutpela trenspot sevis na olsem nogat tambu i mas passim dispela rait.

Long stretim ol ples balus Polye i tok bipo long dispela Kris-mas em i laik lukim olsem ol bikpela ples balus i kisim luksave (setifai) long stap olsem ol ples balus i mas i gat long em.

"Mi laik lukim ol ples balus olsem Nadzab, Tokua long Is Nu

Britan na Gurney long ol i gat ol samting we i bai mekim ron bilong balus i orait," Polye i tok taim em tok Wewak i kisim luksave pinis long stap olsem Intanesenel ples balus.

Em i tok long kantri i gat mani na kamap gut em i mas mekim ol wok trenspot bilong em pastaim.

"Sapos dispela ol samting i no kamap Gavman bai hat long bringim sevis i go long ol pipel.

"Moa yet ol pipel bai painim aut long salim samting bilong ol.



Lemfleps go wantaim Tang dring

KOL WARMA MAKET: Ol dispela mama em ol i save stap long Renbo long Gerehu long Mosbi. Long Renbo maket, ol i save sindaun na salim ais kol wara, na tu ol i save tanim ol paket jius olsem Tang na salim long botol. Maski olgeta arapela maket lain i lusim maket na go malolo long haus pinis, ol dispela mama bai sindaun salim ol dring bilong ol na wetim paia bilong Renbo Lem Fleps Maket long dai pastaim. Taim paia i dai long lemfleps, em nau ol i save olsem em i taim bilong pasim wara na tang maket na go long haus. **Poto: Nicky Bernard**

Tripela Dai long pait long Enga

Paulus Tali i raitim

PROVINSEL Polis Komanda (PPC) bilong Enga Suprintenden Michael Chare, i tokim Wantok Nius olsem

3-pela man ol i kilim ol wantaim kukim daun 20 haus long bikpela pait namel long tupela pisin bilong Mior long Enga Provins.

Suprintenden Chare i tok, pait bihainim gret 10 samatin bilong Pikambi Hai skul we ol sutim na arapela 8-pela lain wanpisin bilong em kisim bikpela bagarap.

Polis go long long viles Lida long kamapim bel isi mas kamap.

Lod Meya Tok Minimum Wejes Bod mas tokaut

LAE Siti Lod Maya, James Khay nau singaut long (Minimum Wages Bod) long mas tokaut stret long Lae Siti na PNG long longpela taim long 2010 mani mak K2.29 we blong las mun i no kamap.

Lod Maya i tok long bikpela tok moa olsem gavman bilong tude mas kisim luksave long ol kain hevi olsem, na stretim kwik.

Lae Siti Lod Maya Mista Khay tok em wanbel long wok bilong Somare Temu gavman, long apim na Minimum Wages Bod mas lukluk moa long gutpela bilong pipel bilong PNG.

Tru long salari na wages moa long las 2-pela potnait go pinis long wankain taim em i tok Minimum Wages, moa long yia go pinis Bod i no stretim long wok bilong ol, olsem na Minimum wages mas kam aut stret long bagarap kamap inap 20 Jenuari las mun i go pinis.

Ol wokman i no amamas long salari na wages we em stap wankain nogat senis bilong em. We i mekim ol wokman tubel long potnait pe bilong ol.

"Bikpela samting ol jeneral wokman, pablik seven ol laikim pei gen long helpim ol na famili, long skul fi, haus sik, pawa na wara bil, helpim sindaun bilong ol em i no kamap," Mista Khay i tok.

Tisa i mas soim gutpela piksa

.... Papamama na sumatin i gat wok

SINGAUT i go long ol tisa long soim laik na pasin bilong mekim gut wok bilong ol na kamap olsem ol "rol model" o soim gutpela piksa long ol sumatin bilong ol.

Long wankain taim tu, singaut i go long ol papamama long givim gutpela stia tok long ol pikinini bilong ol. Na ol pikinini tu i kisim askim long harim tok na skul gut na ol bai gat gutpela bihain taim.

Edukesen Sekreteri Dokta Joseph Pagelio i bin tok olsem long dispela wik Tunde long taim bilong opim 2010 skul yia na lonsim "National Behaviour Management Policy" (NBMP).

Wantaim klostu 50,000 skul tisa na ol wokman long dipatmen, moa long 1.2 milion sumatin long elementeri i go long sekonderi, vokesenel, teknikel na teseri level na moa long 10,000 skul insait long kantri, Edukesen Dipatmen i save kaikaim bikpela hap mani bilong nesenel gavman baset.

Taim Dokta Pagelio i tok amamas long 2009 skul yia i bin go na pinis gut na dispela nupela skul yia i stat gut, em i bin askim ol dispela tisa i no kamap long wokples bilong ol long go kwik nau bikos ol i leit long tupela wik pinis. Na em i askim ol tisa long kamap ol gutpela piksa long ol sumatin.

"Wok tisa em i bikpela wok, moa yet taim yu gat bikpela klas olsem 70 sumatin samting we yu mas kontrolim, makim planti skul wok na tes pepa na ol narapela wok moa.

"Mi salensim yupela long

putim tingting long mekim gut wok bikos wok tisa em i wok we ol man i givim bikpela luksave long en (noble profession) . Na kaamp ol gutpela piksa longpasin bilong putim gutpela klos. Soim gutpela pasin bikos ol sumatin bai lukluk long yupela na bihainim ol samting yupela i mekim," Dokta Pagelio i tok.

Long skruim toktok long lonsim "National Behaviour Management Policy" (NBMP), Dokta Pagelio i wokim dispela toktok i go long ol sumatin.

"Mekim gutpela pasin, luksave long ol narapela wanskul na bihainim ol lo bilong skul. Strong na tok nogat long mariwana," Dokta Pagelio i tok long ol sumatin.

Long ol papamama, em i tok ol i gat wok long givim stia i go long ol pikinini bilong ol.

Long wankain taim, Siaman bilong Nesenel Tising Sevis Komisnin, Michael Pearson, i bin skruim ol toktok na tok ol tisa i mas noken skin dai, tasol ol i mas mekim ol wok samting we bai kirapim skin bilong ol sumatin long amamas na wok strong gut.

"Ol tisa, noken stap olsem ol diwai i dai pinis. Kirap na mekim samting bai kirapim ol sumatin na ol i laik mekim wok. i gat spes long ol skul we ol pikinini o laik mekim samtingna soim laik na helpim ol.

Dipatmen i laikim ol tisa i laik yusim tingting bilong ol long mekim ol samting bai kirapim ol sumatin na ol i laik mekim wok. Soim wari long wok bilong yupela na

ol sumatin. Noken ol narapela samting i blokim tingting bilong yupela. Kamap ol gutpela piksa long ol sumatin, wok olsem tim na soim laik long ol wok bilong yupela," Mista Pearson i tok.

Dokta Masuwe Sinebari em pastaim bikman bilong Yunivesiti bilong Goroka tasol nau i lusim hap na wok wantaim Nesenel Rises Institut long Mosbi taim em i amamas long NBNP i bin autim tu wari bilong em long sampela pasin ol skul pikinini i save mekim.

"Ol pikinini i save lainim ol samting long ples bilong ol pastaim. Tasol long tude, planti papamama i bisi long ol wok bilong ol na ol i nogat taim long givim gutpela stiatok long ol pikinini bilong ol.

Mi lukim ol pikinini i wok long tromoim pipia aut long ka, tromoim ol kain tok nogut we long taim bilong mi em mipela i no save wokim ol dispela kain tok nogut.

Wanem kain bihain taim PNG bai i gat sapos ol pikinini yumi wok long bringim pa i olsem? Yumi i gat fridom tasol em i mas kam wantaim pasin bilong mekim samting long stretpela pasin.

Em i salens bilong yumi olgeta long skelim sapos ol pikinini yumi bilong tude bai kamapim gutpela kantri bai yumi stap amamas long en? Long nau, em i nogat bikos i nogat rispek o luksave long ol narapela," Dokta Sinebari i tok. Em i tok tu olsem NBNP polisi em i gutpela na inap long ol skul i bihainim.

Wok patna long helpim ol meri

Veronica Hatutasi i raitim

NESENEL Helt Dipatmen bai wok wantaim ol grup n a ogenaísesen we i putim sefti, rait na gutpela sindaun bilong ol meri i go pas.

Long aste, Trinde, Dijisel PNG Faundesen, UNICEF (Yunaitet Nesens Fan bilong ol Pikinini) na Famili na Seksuel Vailens Komiti (FSVAC) i putim han wantaim na sainim wanpela MOU o agrimen long ol Famili Sapot Senta na ol Meri Seif Haus em ol i mas sanapim long ol hap bilong ol haus sik na ol narapeal lain i save givim sevis.

Dijisel PNG Faundesen, UNICEF (Yunaitet Nesens Fan bilong ol Pikinini) na Famili na Seksuel Vailens Komiti (FSVAC) i kisim ol Famili Sapot Senta (FSC) i go long ol provinsel haus sik we nesanel helt dipatmen i luksave long en olsem wanpela rot long etresim pasin bilong paitim nogut na bagarapim ol meri na pikinini i save kamap olgeta de na i bikpela hevi insait long ol komyuniti bilong yumi.

FSVAC i wok wantaim ol komyuniti na patna i



WOK PATNA LONG HELPIM OL MERI: Ol lain bilong Dijisel PNG Faundesen, UNICEF (Yunaitet Nesens Fan bilong ol Pikinini) na Famili na Seksuel Vailens Komiti (FSVAC) wantaim Nesanel Helt Dipatmen i sainim MOU long wok bung wantaim na helpim ol meri na pikinini i bungim hevi long ol man i paitim na bagarapim ol. *Poto: Nicky Bernard*

sanapim pinis ol FSC long ol provinsel haus sik long kantri olsem long Angau insait long Morobe provins, Pot Mosbi Jenerel Haus sik long Nesanel Kapitel Distrik, Hagen Jenerel Haus sik long Westen Hailans, Kundiawa long Simbu na Alotau long Milen Be provins. Antap long dispela, CIMC/ FSVAC i bin sainim wanpela agrimen long sanapim ol FSC) long ol 17-pela haus sik na sampela ol helt senta insait long kantri. Helt Sekreteri, Dokta

Clement Malau na lain bilong em i sapotim dispela samting. Na ol i wok long kamapim ol klinikel na operesenel gailain bilong ol FSC.

Dokta Paul Barker bilong Institut bilong Nesanel Afeas i autim tok amamas bilong em i go long Dijisel na UNICEF long skruim mani sapot i go long ol sevis olsem FSC. Na ol Seif Haus we i save helpim ol meri we i kisim hevi long ol man i paitim na bagarapim ol.

Em i tok dispela kain hevi em ol i ken daunim taim planti lain i putim han antaim na wokim kenpein long kantri wantaim ol stekholda, ol lida man na meri, praiwet senta na komyuniti. Dokta Bertrand Desmoullins bilong UNICEF i sapotim toktok bilong Dokta Barker na skruim tok olsem ol bai wok bung wantaim long lukim olsem ol meri na pikinini i bungim hevi bilong famili vailens i gat wanpela wan stop ples we ol i ken kisim helpim kwiktaim.



Yusim Bodi Gut

YUMI man i stap insait long wanpela bodi; man i gat bodi na sol.

Man i gat het na em inap tingting gut na skelim ol samting bilong laip bipo em i mekim wanpela samting. Man i gat hat na em inap laikim narapela man na meri na mekim gut long ol. Tu man i gat wok long painim poroman, marit na karim pikinini. Dispela ol samting i gutpela tu na i stap insait long plen bilong God. Man i gat tingting, man i save laik, na man i karim pikinini. Man i no enimal tasol. Em i no ken larim laik long pren pasin i karamapim na winim het na hat na laip bilong God i stap insait long em. Sapos em i mekim olsem, bai em i kamap olsem wanpela enimol tasol.

Sori tru, long dispela taim kantri i pulap tru long pamuk pasin. Planti manmeri i save pilai nabaut nating. Ol i no respektim bodi bilong ol na bodi bilong narapela tu.

Santu Paul i tok bodi i kam long God na yumi mas lip-timapim nem bilong God insait long bodi bikos:

“Bodi bilong yupela i hap hap bilong bodi bilong Krais...” (1Ko 6:15) na long bodi bilong yumi, yumi save kam klostu tru long God. Na Pol i tok: 17: Tasol man i pas wantaim Bikpela, em i gat wanpela Spirit wantaim em...19 Bodi bilong yupela em i haus holi bilong Holi Spirit...God i givim Spirit pinis long yupela, na em i stap insait long yupela. Yupela i no bilong yupela yet...20...God i bin baim bek yupela long bikpela pe tumas. Olsem na yupela i mas litimapim nem bilong God long bodi bilong yupela.” (1 Ko 6:17-20)

Paul i wari bikos em i lukim pasin pamuk i kamap bikpela tru long sampela Sios bilong em olsem na em i tokim ol:

16: “Man i pas wantaim pamukmeri, em i wanbodi wantaim em...God i tok pinis long dispela olsem, ‘Tupela bai i kamap wanpela bodi tasol.’ ...18: Yupela i mas lusim pasin pamuk na ranewe. Olgeta arapela sin man i save mekim em i ausait long bodi. Tasol, man i mekim pasin pamuk, em i mekim nogut bodi bilong em yet. (1 Ko 6:16-18)

Paul i tingim bodi bilong yumi man na tok long we yumi mas sindaun long graun:

“Laik bilong God em i olsem: yupela i mas kamap holi. Yupela i mas abrusim pasin pamuk (fornication)...Bel bilong yupela i no ken mangal nabaut, olsem ol haiden i no save long God. Yupela i no ken mekim rong long ol brata bilong yupela na giamanim ol long dispela samting.. Bikpela em i save bekim hevi long olgeta man i mekim kain pasin olsem...God i no singautim yupela long bihainim pasin doti. Nogat. Em i singautim yumi bilong bihainim pasin holi.” (1 Te 4:3-8)

God i tok yumi ol manmeri mas i stap gut insait long bodi bilong yumi na kamap holi. Pren pasin em bilong marit laip. Maski pamuk nabaut!

Banis sut i no ansa long sik kolera

BANIS sut bilong sik kolera o sik pekpek wara i nogut tru i no ansa long banisim na stopim sik i kalap long ol narapela hap bilong PNG, Helt Dipatmen i tok.

Ekting Sekreteri bilong Helt, Mark Mauludu i tok i gat sampela banis sut i stap long maket, wanpela tasol em Wol Helt Ogenaísesen i tok oraitim long en. Ol i kolim dispela banis sut, “Dukoral” ol i

okim long kantri Sweden long Yurop. Tasol banis sut i bilong tupela yia na bihain long en, ol i mas givim gen dispela banis sut.

Dispela banis sut em ol i mas givim long wan wan taim long tupela wik long banisim planti lain long bikpela eria, tasol long PNG, em i hat bikos long sait bilong trenspot na piul kos na tu en i hat long go long planti ol ples long

rirel eria bikos sampela ples i stap long ol maunten hap, ples i tais na ol ailan.

Bihainim ol ripot olsem dispela kain banis sut i wok gut na ol i yusim long ol ples we kolera i stap long en, ripot i tok olsem ol i ken yusim dispela kain banis sut long ol ples we sik kolera em i daunim planti pipel.

Long dispela taim, ol lain i raun i go na i kam long ol narapela kantri

(intenesenel travela) i kisim ol dispela kain sut.

WHO i tok ol kantri we sik kolera i kamap planti inap kisim dispela kain banis sut, tasol ol mas inapim tupela samting. Em sapos ol i tok kolera bihainim kalsa i kamap insait long 3 na 5 yia, na sapos sik i kisim wanpela man namel long 100 pipel insait long tripela yia. Tasol PNG i no inapim dispela tupela samting.

Klin pasin mas strong long abrusim kolera

KLINPELA wara bilong dring, kuk na waswas, bihainim haijin o wasim han olgeta taim bihain long yusim toilet, bipo long kaikai, putim ol klinpela klos na stap long klinpela ples em ol sampela rot long banisim yumi yet long sik kolera.

Wol Helt Ogenaísesen i

ripot olsem i kam inap nau, 2000 pipel long PNG i kisim pinis sik kolera na 50 i dai pinis. Ol provins long kantri we dispela sik i karamapim ol pinis em long Morobe, Madang, Is Sepik na Isten Hailans. Tupela wik i go pinis, i bin gat ripot long dispela sik i kamap pinis long Mosbi

we wanpela meri i kam tasol long Wewak i bin go long Pot Mosbi Jenerel haus sik wantaim sik kolera.

Namba wan taim sik kolera i bin kamap long PNG em long mun Oges las yia.

Oxfam Intanesenel em wanpela Non Gavman

Ogenaísesen i wok long Wewak, Is Sepik provins i tok sapos i gat moa sapot i kam long paitim egen-sim dispela sik, em bai i go het long kalap long moa pipel i bungim birua na dai. Sapot em i laikim long ol pipel i stap klostu long Wara Sepik na yusim wara olsem laipblut

bilong ol long dring, kuk, waswas na kisim abus long en em long givim ol klinpela wara.

Oxfam i tok sik kolera i stap long PNG moa long 6-pela mun nau na ogenaísesen i givim sapot wantaim klinpela wara, ol haijin awenes na givim ol imejensi saplai taim ol

inap, tasol ol i sot long ol risos bilong tilim i go long moa pipel. Ogenaísesen i tok yumi mas painim as tru long rot sik kolera i stat long PNG. Ol bi-natang i karim sik kolera i save stap long wara na sapos wara i deti, em i isi long kisim sik kolera long en.

Ol pater long ol rurel eria i laikim gavman sapot

Veronica Hatutasi i raitim

WANPELA long ol 9-pela samting we moa long 80 pater bilong PNG na Solomon Ailan i bin totkok long en insait long wanpela wik ritrit bilong ol las mun em, long askim gavman bilong helpim ol pater i wok long ol rurel eria na karimaut ol wok bilong sios na pablik sevan long dispela ol longwe ples i nogat ol gavman woklain.

"I moabeta long Katolik Bisops Konprens i askim Palamen long tok oraitim wanpela bil o lo we aninit long em, gavman bai katim sampela mani i go long ol pater long wok ol i mekim long sait bilong sosel welfe bilong ol pipel bikos longpela taim nau, ol pater i mekim wok bilong ol pablik sevan insait long ol longwe na bus

ples bilong PNG. Tu, i mas gat wanpela polisi tasol long mak bilong alauwens ol pater i save kisim insait long wanpela mun na nogat pater i no kisim helpim," ripot i tok.

Ritrit bilong ol pater bilong PNG ba Solomon Ailan i bin kamap long Holi Spirit seminari, Bomana ausait long Mosbi siti. Ol i bin kamapim 9-pela "recommendation" o ripot long ol bikpela samting ol i laikim long helpim ol long karimaut ol wok bilong ol. Ol narapela 8-pela em long:

- Wok fomesen i mas go het long helpim pater long wok ministri na tu, em i ken klia gut long ol samting i kamap long sosio politikel sait. Dispela bai helpim em long stap olsem nek bilong profet na helpim pipel; Helpim ol pater i gat ol spesel hevi husat i

nogat kontrol long kisim strongpela dring na kamapim ol birua na dai long ka. Kamapim ol program long skulim ol na tu, putim ol strongpela lo long karamapim dispela.

- Strongim ol lei pipel o wok manmeri bilong sios long givim luksave long sios wok na sapotim gro bilong sios;
- Skruim ba holim ol ritrit bilong ol pater long nesenel na rijinel level bihain long 3-5 yia;
- Tilim gut ol pater long ol daiosis na ol dispela we i gat moa i helpim ol narapela i nogat ol pater tumas;
- Ol bisop long givim moa helpim i go long ol pater i wok long ol longwe peris;
- Ol pater i kamapim ol

gutpela program long ol peris bilong ol. Tu, ol i mas kisim gutpela save long ol salens insait long sosaiti olsem abosen, HIV/AIDS, yutenasia o pasin bilong ol dokta i givim marasin bilong dai long ol lain i sik longpela taim na o no inap orait, jastis, ol piksa nogut long intanet na moa yet, ol dispela i kamapim hevi logn ol yut na famili na

- Na long ol pater i redim ol gutpela ol Sande homili o stiatok bilong ol sampela de pastaim ba bai helpim ol pipel long sindaun na laip bilong ol.

Ol dispela ripot bilong ol pater em ol i givim i go long ol bisop bilong ol long lukim, glasim, skelim na wokim samting long em.

Laip na famili semina bilong Katolik Sios neks wik

Veronica Hatutasi i raitim

POT Mosbi Katolik Asdaiosis na Vanimo Daiosis long Sandaun provins bai holim wanpela wik semina bung long laip, marit na famili stat long neks wik Mande.

Opis bilong Katolik Bisops Konprens (CBC) i tok Human Laip Intanesenel (HLI) i wok bung wantaim CBC long kamapim dispela semina we ol bisop bilong PNG na Solomon Ailan, ol lain long CBC, ol sumatin bilong Katolik Tiolojikel Institut long Bomana na ol sios woklain bai i stap insait long tripela de semina long Mosbi. Na long 4-pela de long Vanimo daiosis.

Tupela biklain bilong HLI, em bikpela ogenaisesen i save lukautim Laip, bai i kam na go pas long dispela semina. Em long Pater Thomas Euteneuer na Dokta Ligaya Acosta. HLI em i bikpela Katolik muvmen long wol i save lukautim laip.

Long Mosbi, semina bai kamap long Son Bosko Teknolojikel Institut, Emaus Haus. As tingting long kisim dispela semina i kam long PNG em long tokaut long Gospel bilong Laip skul long Tioloji bilong Bodi long Katolik Sios i go long ol bisop, ol save wok manmeri bilong sios long Oseania o Pasifik na moa yet, long PNG na Solomon Ailan. Na tu, opim ai bilong ol long ol samtign i kamap long isi isi go egensim bilip, laip na famili insait long sosaiti long dispela taim.

Sampela long ol samting bai ol i toktok long dispela semina long ol em Skul bilong Katolik Sios long kalsa bilong dai/Global anto Isaip agenda, Bilip long ova populesen (Pasifik) na pait long Laip long Oseania, ol Famili i stap long hevi, Pils, Karamap (Kondom) na ol narapela stori, skul bilong Katolik Sios long trupela samting na ming bilong humen seksualiti na moa long ol kain topic olsem.

Lukim na save long ples bilong Jisas long stori na piksa.

Ministri bilong Jisas

WOK na laip bilong Jisas i stap long ol 4-pela Gospel we 4-pela Aposel Matyu, Mak, Luk na John i bin raitim. Na Gospel bilong Santu John i givim sampela kain oda long wok bilong Jisas insait long ol bikpela rilijes seremoni we Jisas i bin stap long en.

Long glasim ol rilijes seremoni, yumi lukim olsem ministri bilong Jisas i bin go het long tripela yia. Dispela tripela pasova festival em yumi ken lukim long Gospel bilong John long 2: 13-21; 6,4:20:1.



NAMBAWAN MIRAKEL: Sios i sanap long ples we Jisas i bin wokim namba wan mirakel bilong em long marit long Kana. Poto: Holyland Buk.



SAMARITEN MERI: Meri Samariten nau na kain klos ol i putim i mekim yumi tingtim stori long Gospel husat i givim wara long Jisas. Poto: Holyland Buk.

Ol narapela evanjelis i tokaut long ol dispela na tru, sampela samting i no wankain olgeta taim, ol stori i sut long dispela tripela festival.

Olsem na yumi bai bihainim Jisas long wok ministri bilong em long ol Gospel na ol piksa.

Taim yumi tok Ples bilong ol Gospel, em i min olsem ol ples long ol Gospel stori we Jisas i bin karimaut ol wok bilong em.

Nazaret na Betlehem em ol ples we laip bilong Jisas long graun i bin stat, Jordan Wara na Wel bilong meri Samariten, na Kana wantaim stat bilong pablik laip bilong em.

Moa long neks wik.



Jisas i karim sin bilong ol manmeri

JISAS i bin bihainim olgeta tok bilong God i go inap long em i dai na long dispela rot em i winim Satan. Tasol yumi bin mekim sin pinis na yumi inap lus long kot bilong God. Husat bai i helpim yumi? Haleluya. Taim Jisas i dai em i karim sin bilong yumi bai yumi tu iken winim sin na Satan.

"Krais i bin hangamap long diwai kros na i karim sin bilong yumi long bodi bilong em yet. Em i mekim olsem bai yumi ken lusim pasin bilong sin olgeta, na yumi ken i stap laip na bihainim ol pasin i stret olgeta" (Pi 2: 24).

Taim Jisas i go long diwai kros, em i karim olgeta sin na sem bilong olgeta manmeri bilong graun. "Krais i no save mekim sin, tasol God i laik helpim yumi, olsem na em i bin bungim olgeta sin bilong yumi antap long em, na Krais i kamap olsem man bilong mekim sin tru" (2 Ko 5:21). Long dispela rot Jisas i daunim Satan.

Yumi lukim pinis wanpela nem bilong Satan em i "man bilong kotim ol." Tasol nau Jisas i karim sin bilong yumi na Baibel i tok, "Yumi manmeri i pas wantaim Krais Jisas, lo i no inap lotim yumi moa" (Ro 8: 1). Jisas i tekewe pinis ol sin bilong olgeta manmeri i bin tanim bel na bilip long em, olsem na Satan i nogat rot bilong kotim yumi moa.

"God i bin makim yumi bilong em yet, olsem husat bai i kotim yumi? Nogat. God yet i save kolim yumi stretpela man. Husat bai i tok long yumi mas kisim pe nogut bilong sin? Nogat. Krais Jisas i bin dai na i kirap bek tu. Na nau em i stap long hansut bilong God, na em i save askim God long helpim yumi" (Ro 8: 33 - 34).

Jisas i winim dai

Long olgeta hap graun olgeta manmeri i gat wanpela bipolar samting ol i save pret long en. Em ol i pret long dai. Olsem na Baibel i tok, "Ol manmeri ol i save pret long dai, na olgeta taim ol i stap long graun, dispela pret bilong ol i mekim ol i stap olsem ol kalabus bilong Satan. Tasol Jisas em i dai bilong lusim ol long kalabus" (Hi 2 : 15).

Taim Jisas i dai na kirap bek em i brukim pawa bilong dai. Jisas i bin kirapim bek sampela dai man olsem Lazarus. Tasol bihain ol i bin dai gen. "Krais i kirap bek pinis long matmat, olsem na bai em i no ken dai moa. Dai i nogat strong moa long daunim em" (Ro 6:9).

Jisas i kirap bek long matmat na yumi tu bai kirap bek long matmat. Dai i no inap bagarapim yumi kristen. Nogat tru. Dai em i opim dua tasol bilong yumi ken go na i stap laip wantaim Krais. Olsem na nau yumi ken amamas tru na singaut olsem: "Dai, we stap strong bilong yu long daunim ol man? Spia bilong dai em sin tasol, na sin em i kisim strong bilong en long lo. Tasol yumi tenkyu long God. Long strong bilong bikpela bilong yumi Jisas Krais, God i save strongim yumi na yumi winim pait" (1 Ko 15 : 55 - 57).

Jisas i win tru long diwai kros

Harim gut dispela tok i stap long Kolosi 2: 14 - 15. " Lo i bin kotim yumi na kamapim ol rong bilong yumi, mekim yumi i stap aninit long ol tok na strong bilong en. Tasol God i bin rausim olgeta dispela tok bilong kotim yumi, na em i pinisim strong bilong lo na nilim em long diwai kros bilong Krais. Em i pinisim strong bilong ol strongpela spirit na olgeta kain samting i gat strong. Long diwai kros God i soim olgeta man olsem samting nating."

Tru tumas, Jisas i win tru long diwai kros. Sapos nau yumi pas wantaim Krais, orait Satan na ol wokboi bilong en, ol i nogat strong moa long bosim na pretim yumi. Nogat. " Ol i kamap olsem samting nating."



NIUELA STIA LONG EDUKESEN: Minister Marape i lonsim nupela polisi ol i kolim "Nesanel Bihevia Menesmen Polisi" (NBMP) long Kilakila Sekonderi skul long Mosbi dispela wik.
Foto: Veronica Hatutasi

Bihevia Menesmen Polisi bai helpim ol skul na sumatin

DISPELA lons bilong "National Behaviour Management Policy" (NBMP) i bin kamap long dispela wik, ol skul insait long kantri i gat stia nau bilong helpim ol

sumatin i bihainim gutpela pasin na mekim gut long skul wok long kamap ol gutpela manmeri long sosaiti, komyuniti na kantri.

Kilakila Sekonderi skul long Nesanel Kapitel Distrik (NCD) long dispela wik Tunde i bin lukim ol bikman long Edukesen Dipatmen na Ministri, ol developmen patna na dona ejensi olsem ol lain i makim ol wan wan sios edukesen, AusAID, UNICEF, NZAID na ol narapela, ol niuslain, ol tisa na sumatin bilong Kilakila Sekonderi yet, ol sumatin na ol tisa i makim ol narapela hai na sekonderi skul long NCD na pablik i bung long lukim opisel opening bilong 2010 skul yia na lons bilong NBMP.

Long tanim "Nesanel Management Policy" (NBMP) i go long Tok Pisin, em i min olsem Polisi o Lo bilong givim stia long ol skul long menesim disiplin o bikhet pasin bilong ol sumatin na ol sampela bikpela eria olsem givim mekim save long stopim ol pikinini long noken go long skul o rausim ol taim ol i brukim ol skul lo na tu givim gutpela stia long ol samting nogut we inap bagarapim skul na laip bilong ol.

Edukesen Minista, James Marape, taim em i lonsim NBMP i tok "dispela em i wanpela bikpela samting we bai givim stia na strong long gutpela menesmen long ol bikhet pasin long ol skul na tu, helpim ol skul i luksave na bihainim ol ligel pawa taim ol i mekim ol wok long menesim pasin na givim mekim save long ol sumatin i wokim bikhet pasin long skul."

"Polisi i givim moa spesel edvais long sampela ol ki eria olsem rausim na stopim ol pikinini long skul. Polisi bai kam aninit long ol nesanel lo na Intenesenel agrimen long ol Rait bilong ol Pikinini. Polisi bai i mekim klisa na strongim pawa bilong ol skul long givim gutpela tok skul na daunim ol paul tingting na ol salens long pawa ol skul i gat long givim mekim save i go long ol sumatin i wokim rong.

"Ol bikhet pasin i save bagarapim gutpela lainim bilong ol sumatin long skul na ol sans bilong ol sumatin long laip. Mi edvaisim ol skul long glasim ol polisi ol i gat nau wantaim nupela polisi na wokim senis we ol inap long en. Dispela polisi bai i kap bilong Skul Lening Improvmen Plen (SLIP) we i stap long lukautim welfea bilong ol sumatin," Minista Marape i tok.

Em i tok polsii ya i kliarim wok na rait bilong ol skul, ol papamama na ol gadien, ol tisa na ol sumatin bilong kamapim gut pasin bilong ol sumatin na apim stendet.

Minista Marape i tok long gutpela bilong kantri, yumi i mas kamapim ol sumatin na yangpela pipel bai skul gut na kisim gutpela save long mekim gut wok na kontribut long bihain taim bilong kantri.

Edukesen Sekreteri, Dokta Joseph Pagelio i tok NBMP em i wanpela bikpela samting we Edukesen Dipatmen i kamapim. Na em i bin kisim 4-pela yia long mekim ol wok painim, bungim ol draf ripot na kamapim stret polisi.

Dokta Pagelio i tok Edukesen Dipatmen bai sapotim ol tisa na ol narapela woklain bilong skul husat i wok long eria bilong stretim ol bikhet sumatin.

BSP OPEN SATURDAY

for School Fee Loan applications and school fee payments.

We know the importance of education so to assist you with school fee payments and your school fee loan, we are opening BSP branches this Saturday 9 to 3pm.

Successful school fee loan applicants will be offered promotional savings on the BSP school backpack and pencil case.

(Limited stocks apply)

OPENING HOURS 2010 9:00AM - 3:00PM



Love your bank ♥

www.bsp.com.pg

Top bos Meri bilong UNDP bai kamap long PNG long wiken



REDIM WOKABAUT: Elizabeth Turi bilong UNDP i bung wantaim ol nius-lain long toktok long wokabaut bilong bikmeri, Helen Clark. Foto: Veronica Hatutasi

Veronica Hatutasi i raitim

WANPELA meri husat i gat biknem long wol na i edministreta bilong Yunaitet Nesens Developmen Grup (UNDP) na siameri bilong UNDP, Helen Clark, bai kam long PNG long dispela wik Sarere.

Mis Clark em i namba tri bos na bikmeri long Yunaitet Nesens sistem long wol na namba wan meri long holim dispela posisen em i bin praim minista bilong Nu Silan pastaim klostu long 10-pela yia bai kam kamap long Pot Mosbi long dispela Sarere na lusim gen hia long Mande, de namba 15. Lukluk raun bilong em i kam long PNG em i hap long wokabaut bilong em long Pasifik rijen.

Opis bilong UNDP long Mosbi i tok as tingting long Mis Clark long raun i kam long PNG em long lukluk na kisim save long ol jenda

(man na meri) isu, HIV AIDS na Milenium Developmen Gol (MDG).

Mis Clark bai stap long lonsing bilong namba 2 MDG wok i go het i nap we samari ripot PNG Gavman i redim. Em bai lukluk tu long Famili na Seksuel Vailens Yunit logn Boroko Polis stesen na lonsing bilong Jenda Beis Vailens na Humen Raits Trening Projek namel long UN na Polis Konstebuleri. Na em bai bungim ol bikmeri i makim Nesenel Kaunsel bilong ol Meri, ol Non Gavman Ogenaisesen na ol sios.

UNDP Mosbi opis i tok olsem siameri bilong UNDP grup, em i go pas long lukim olsem ol wok na projek bilong UNDP long wol i karim kaikai.

Em i tok PNG i gat program, "Statim em yet Wapela kantri" we i lukluk long ol nupela program opere-

senel prektis i sut long sapatim wok bilong UN long kodinetim na strongim ol impek program we PNG Gavman i go pas long en.

Bipo long Mis Clark i kisim wok olsem bosmeri bilong UNDP grup, em bin praim minista bilong Nu Silan long yia 1999 inap long 2008.

Mis Clark i gat 60 kris-mas na mama i karim em long Hamilton, Nu Silan yet. Na em i namba wan pikinini long 4-pela pikinini em olgeta ol meri tasol. Papa bilong em wanpela fama na mama i wanpela praimer skul tisa. Em bin skul long praimer skul long Oklen (Auckland), Epton Gel's Grama skul long Oklen na Yunivesiti bilong Oklen we em bin wokim Politik na greduet wantaim Honas long 1974. Em bin leksera long Oklen Yunivesiti bipo em i go insait long haus palamen long

1981. Olsem praim minista bilong Nu Silan, em i bin memba bilong Kaunsel bilong ol Meri Lida long Wol, intenesenel netwok bilong ol nau na pastaim meri presiden na praim minista long wol. Wok bilong em em long ogenaism ol dispela meri i gat pawa long bung wantaim na wokim samting long ol bikpela isu i karamapim ol meri na tu, wok developmen namel long ol man na meri i mass tap long wankain mak.

Kisim wok olsem edministreta bilong UNDP i mekim em olsem namba wan meri long wol long kisim dispela bikpela wok long go pas long dispela ogenaimesen.

Long kamap bilong em long Mosbi long Sarere, Mis Clark bai bung wantaim Gavana Jenerel Se Paulias Matane na Praim Minista Se Michael So-mare.

Bogenvil lusim wanpela gutpela meri

BOGENVIL i lusim wanpela meri husat i bin mekim bikpela wok long helpim ol pipel long taim bilong Bogenvil hevi. Na we kantri, rijen na wol i bin luksave long wok bilong em wantaim PNG Red Kros.

Meri ya em Pauline Onsa bilong ples Lemmanu long Buka Ailan, Otonomes Bogenvil Rijen (ARB). Em i dai lusim man bilong em,

tripela pikinini na ol sampela bubu. Wanpela pikinini meri bilong em, Sharon Onsa i bin kamap Mis PNG long 1994 na inap nau, em tu i save mekim ol gutpela sariti wok, olsem tasol mama bilong em.

Misis Onsa i bin dai long las wik Fonde long ples bilong em long Lemmanu bihain long em i sik longpela taim.

Ol ripot nit ok planti lain long ARB i bin go bung long ples long givim luksave long meri husat i no bin prèt tasol bin gat bikpela leva long helpim ol pipel long taim bilong pait na hevi long Bogenvil. Em i bin lukautim PNG Red Kros opis long Arawa long 10-pela yia taim pait i stap yet.

Ol pikinini bilong em i bin tok mama bilong ol i save

putim ol pipel bilong Bogenvil pastaim, givim gutpela stia na mani helpim i go long ol pikinini bilong em yet na planti ol narapela em i lukautim long kamap ol gutpela manmeri. Na baim ol skul bilong ol i go skul ovasis.

Ol Bogenvil lida olsem Rijinel memba Fidelis Semoso, Presiden Tanis na ol narapela bik manmeri i bin

toktok long strongpela meri Misis Onsa husat i save givim gutpela stia i go long ol na ol narapela na helpim planti pipel long kamaut long ol bus long taim bilong Bogenvil hevi. Olsem na em i lusim hanmak long planti pipel long Bogenvil na PNG. Em i bin namba meri lida we ol i bin votim em long Bo

Ol meri Afganistan mas stap long toktok bilong wokim ol disisen

OL meri Afganista i mas stap insait long ol bel isi wok wantaim ol Taliban, wanpela Yunaitet Nesens komiti long rait bilong ol meri i tok bihain long wanpela bung bilong ol Jiniva (Geneva) long kantri Swiselan.

Komiti i tok ol agrimen we gavman bilong Pakistan a Taliban i kamap wantaim kliapela komitmen bilong luksave na lukautim ol rait bilong ol meri, UN Komiti long rausim pasin bilong bagarapim na mekim nogut ol meri i tok.

Komiti i wari tu long wanem, i nogat meri i stap long haus palamen bilong Afganistan Gavman, Dispela i abrusim tru ol meri long Afganistan long kontibiuti i go long ol bikpela disisen bilong ranim kantri,

Stat yet long yia 1996-2001, gavmn bilong Taliban i tambuim ol meri long kisim ol pablik opis tasol dispela UN komiti i laikim senis i mas kamap nau.

SEKON SANS:

Sampela ol pikinini we Simon ov Sairin Senta long Hohola i save lukautim. Dispela em ol lain we papamama i dai long sik AIDS, sampela em ol papamama i lusim ol na i no bisi long ol na ol i raun nating na senta i lukautim ol long sait bilong skul na ol narapela helpim moa bilong givim ol namba tu sans long laip. Foto: Veronica Hatutasi



K380,000 em skel bilong Morobe provinsal gavman

Michael Novingu i raitim

MANI mak olsem K380,000 em Morobe provinsal gavman i peim skul fi bilong ol Morobe sumatin i skul aninit long Gereson Solulu skolasip long Yuni-versiti bilong Papua Niugini (UPNG) na Yunivesiti bilong Goroka (UOG).

Gavana bilong Morobe, Luther Wenge, i tok mani ol i peim i go insait pinis long skul akaun na ol sumatin i mas stat skul hariap.

"Mipela i tok orait long mani plen bilong provins long K35 milien long dispela kris-mas tasol mipela i apim i go antap long K47 milien long wanem i gat ol arapela samting long putim

mani long en wanpela i ting bai i no inap kamap," Mista Wenge i tok.

Em i tok namba bilong ol sumatin i kisim skolasip i go antap long 2010 i lukim namba i lukim namba bilong ol sumatin tu i go antap.

Mista Wenge i tokim ol sumatin na papamama long ol skul olsem Morobe provinsal gavman bai peim olgeta skul fi bilong ol sumatin na ol sabsidi tu.

Long wankain taim, ol skul long Morobe provins i sasim ol papamama long peim skul fi bilong ol pikinini bilong ol i go skul long ol elementri skul.

Moa yet, Edukesen Minista James Marape i tokaut olsem fri edukesen i stap long

ol sumatin laik go skul long ol elementri skul long Papua Niugini.

Bosman bilong Edukesen long Morobe provins Murika Bihoro i tok ol papamama i mas peim skul fi long ol skul bilong ol pikinini bilong i go skul long en.

Mista Bihoro i tok gavman i lukautim sait bilong ol samting olsem buk, pe bilong ol tisa, na arapela wok ol i laik karimaut long skul.

Em i tok nogat opisol pas i kam long Edukesen Minista long mipela bai givim fri edukesen long ol pikinini laik go skul long elementri.

Tasol sampela tisa i tok ol papamama i mas peim skul projek fi long ronim skul.



Skulim ol sumatin

OL HAPMAN TU YA: Dispela tupela man em Freddi Bryant, wanpela saveman long pilai gita, na Gilad Dobrecky, husat em i saveman long paitim ol drams. Tupela bilong Amerika, na US Embasi long Pot Mosbi yet i bin kisim tupela i kam long PNG. Dispela wik, tupela i go raun long wan wan ol skul na mekim ol Jazz Musik Woksop wantaim ol sumatin. Ol sumatin yet i skulim tupela tu long ol kain kain musik instramen bilong PNG yet. **Poto: US Embasi Pot Mosbi.**

Nogat Wara long Lae Siti Marape no laikim bikhet pasin long provins

Michael Novingu i raitim

NOGAT Wara long Lae Siti long las wik i kam long dispela wik i lukim ol manmeri i kisim taim nogut.

Planti ol skul, gavman opis i pas salim ol sumatin, ol woklain bilong gavman i go long haus.

Tupela wik i go pinis, bosman bilong Wara Bod, Patrick Amini, i tok sori long ol manmeri na bisnis haus long Lae Siti long wanpela belo kaikai kibung em i promis long stretim hevi bilong wara long Lae Siti.

Tasol dispela promis bilong em i no karim kaikai yet na i lukim ol manmeri i kisim taim nogut na painim wara long kukim kaikai, waswas na wasim ol haus samting bilong ol.

Mista Amini i tokaut long dispela belo kaikai kibung olsem Wara bod i tok orait

long givim K10 milien long stretim hevi bilong wara long Lae Siti na Papua Niugini.

Memba bilong Lae Bart Philemon i no wanbel wantaim Wara Bod long i no stretim hevi bilong wara long Lae Siti i askim Pablik Entaprais Mista Arthur Somare long lukluk i go insait long hevi bilong wara long Lae Siti na stretim.

Mista Philemon i tok wara em i bikpela samting long laip bilong ol manmeri long lukautim sindaun bilong ol.

Em i tok nogat wara i min olsem ol kain kain sik bai kam kilim ol manmeri.

Lae Siti em i Industriyel Senta long Papua Niugini, hevi bilong wara i kamap i no gutpela tumas long ol manmeri na bisnis haus long Lae Siti Mista Philemon i tok.

Mista Philemon i tok Mista Somare i bosim ol bisnis han bilong gavman long givim

daireksen long Wara Bod long stretim hevi bilong wara hariap.

Em i tok inap, mipela i kisim pen pinis gavman mas kam insait stretim hevi bilong wara long Lae Siti.

Minista bilong Stet Entaprais, Arthur Somare i tok em tu i no amamas long hevi bilong wara i kamap long Lae Siti.

Mista Somare i tok em bai go pas long toktok wantaim Wara Bod long stretim hevi bilong wara noken kamap long Lae Siti.

Ripot Wantok Niuspepa i kisim long Wara Bod opis long Lae i soim olsem masin bilong pamim wara i bagarap.

Nupela masin Wara Bod i kisim i kam long Australia i stap nau long Mosbi ol bai salim i kam long Lae long dispela wik long pamim wara inap long go long olgeta hap bilong Lae Siti.

Timon Henry i raitim

TARI PORI Memba, James Marape, i singaut long ol Yut bilong Tari taun insait long Sauten Hailans Provins long stopim pasin bilong hambak na luksave long wok Lo na Oda.

Em i bin mekim dispela tok long taim bilong Provinsol Asembli miting long Mendi las wik Trinde long wik i go pinis we i bihainim ol kain ripot olsem moa hevi i wok long kamap olsem pait namel long tupela wan pisin, rot blok na

hansapim ol manmeri long Ambua kep, Hides Ges fil rot na tu ol i wok long rausim ol waia banis insait long Tari Ples Balus, pretim ol wok man bilong Tari haus sik wokman na meri na moa hevi i wok long kamap bikpela long Tari insait long Sauten Hailans Provins.

Marape, husat em i minista i bosim edukesen, i tok olsem Tari Pori ilektoret i nogat wanpela risos olsem Haidro Kabon olsem Komo Magarima, Koroba Kopiago insait long Hela, na bilong

wanem tru na ol i nogat taun insait long eria bilong ol.

Em i tok strong olsem Tari taun em i wanpela senta ples bilong wokim bisnis, komesol, industrial na Etminstresin senta bilong Nupela Provins we nau i redi long karim aut bikpela PNG LNG Prosek.

Olsem na en i askim ol yut bilong Hela long wok bung wantaim ol Polis na ol Lokol lida bilong komyuniti long kamapim pis long olgeta taim na moa divelopmen na senis bai kamap.

Em i tok Tari Pori Join distrik baset prairoti na plening komiti i bin basetim K730,000 long las tupela yia i go pinis bilong lo na oda na K100,000 i bin i go long Yunaitet Sios we wanpela Non Gavman Ogenais-esen (NGO) Yang Abasada bilong kamapim pis midiasen woksop namel long ol wan pisin in-

sait long komyuniti.

Mista Marape i tokaut olsem Tari mobail Skwat (MS 09) bai kisim wanpela kar we ol i baim aninit long Angore Ges Projek mani long sapotim wok bilong ol polis insait long prosek eria, na napela ol i bin givim aut long taim bilong Angore Laisens Beis-benefit sering Agri-men (LBBSA) long las Disemba long Tari.

Insait long dispela taim tu Wanpela Yanpela Kodineta bilong Hariganda Litresi senta, Ben Haluma i givim ripot i kam long Wantok Niuspepa olsem, em i lukim planti bilong ol yangpela i wok long stap nabaut long ples, taun na siti wantaim nogat wok na em askim Nesenel Gavman wantaim Sauten Hailans Provins Gavman long panim sampela gutpela we bilong daunim dispela kain hevi i no ken bungim ol.

Curtain Brothers stretim Tari haus sik

Timon Henry i raitim

WANPELA bikpela konstreksen kampani Curtain Brothers husat i stap wok long long Tari long Sauten Hailans provins i bin mekim wanpela gutpela wok namel wantaim ol pipel na ol wok manmeri bilong Tari Jeneral Haus Sik olsem ol i kisim sampela man long wok sekyuriti long

lukautim ol wok lain na ol samting bilong haus sik.

Dispela tok amamas i kam long wanpela bipo Kaunsola na lida man bilong Yangome Kaunsol wod Johnson Tandale, olsem ol pipel mas wok bung wantaim na daunim ol hevi.

Insait long dispela taim, Mista Tandale i tok em tok olsem bikpela senis i wok long kam isi

isi taim em i lukim strongpela sekyuriti insait long Haus sik.

"Em i tok olsem ol pipel bilong Hela rijen i wanbel long Ketens Bratas (Curtains Brothers) long gutpela wok bilong ol.

Mista Tandale nau i apil long ol lilektet Memba (MPs) bisnis lain wantaim ol arapela stek holda long givim han long ol na sapotim wok bilong ol.

Long dispela taim tu em tok olsem Tari Jeneral Haus sik i gat bikpela nit long ol speselis dokta na nes long wok insait long Tari bikos ol kainkain sik nogut i wok long bagarapim ol pipel.

Em i tok olsem LNG Prosek bai stat klostu na ol gavman mas traim long stretim gut sindaun bilong ol pipel long sait bilong helt na haijin o helti pasin.



WANTOK
KOMENTRI

Husat long politiks i pilai wantaim Kapis?

HUSAT tru long PNG politiks i wok helpim raskol man William Kapis? Na husat tru nau Kapis i wok long pre-tim em i stap?

I luk olsem Kapis yet i wok long tingting planti long sindaun bilong em yet bihain long em i ronawe lusim haus kalabus.

Na nau em i go bek antap long Bomana haus kalabus, bai olsem wanem?

Nau sindaun na wanem kain mekimsave bilong Kapis i stap long han bilong kot, yumi bai lukluk gut bihainim kot bilong em.

Long wanem, long kot bilong em tasol, bai Kapis i ken kisim strong o pret long tokaut stret.

I gat planti askim i stap yet long we dispela biknem raskol man i wok long abrusim han bilong lo, we em i wok kisim mani bilong em, na hamas manmeri tru i wok helpim em, na wanem kain wok ol dispela hait manmeri i holim stap long kantri bilong yumi.

Nau bai yumi mas tingting gut long dispela.

Yumi save lukim na harim kain kain stori olsem ol bikmanmeri lida bilong yumi tu i save poroman gut wantaim planti ol raskol wantok bilong ol.

Sapos ol i bikman i gat inap mani long baim ol kain man olsem William Kapis long mekim stil pasin long kisim moa mani, ol i noken sanap olsem ol bikman i makim yumi PNG.

Kapis nau i mas luksave olsem kain man olsem em, husat ol arapela bikman i wok helpim em long mekim stil pasin bilong em, bai bungim moa hevi, sapos ol dispela maniman i pret olsem em bai autim nem bilong ol long polis o pablik.

Ol polis tu i mas was gut long sindaun bilong Kapis, na sekyuriti i noken pundaun long en.

Sapos wanpela samting insait long dispela stori bilong Kapis na ol stil pasin bilong em i klia, i gat ol man i stap yet husat i wok long tuhat tru nau bikos ol i wok wari long nem bilong ol bai kamap ples klia.

Komisina Baki na olgeta sinia opisa bilong em i mas sanap strong wantaim bilip olsem ol bai holim pasim yet ol dispela bikman husat i laik ekting raskol.

Sapos yu laik kamap raskol, yu noken holim wok lida.

Olsem bikman yet i tok stia, wanem samting yu mekim long ples tudak, bai kamaut yet long ples i lait.

William Kapis, mipela i wetim yu long tokaut tasol na bai Papua Niugini i save, husat em ol tru tru lida, na husat em ol raskol.

Senisim sampela Minista nau

SAPOS Praim Minista Gren Sief Sir Michael Somare laik senisim ol Minista bilong em go kam, orait wanem taim bai em mekim dispela na wanem lain tru bai em senisim ol?

Ples klia we ol pablik i ken tok tasol em long Ministri bilong Agrikalsa na Laivstok we yumi no harim nek bilong dispela Minista John Hickey longpela taim tru. Yumi harim planti memba tok kros long helpim mani bilong ol agrikalsa projek insait long ol distrik bilong ol. Dispela mani bai kam long Nesenel Developmen Beng (NDB) tasol nogat wanpela gutpela bekim kam bek yet long Minista Hickey.

Wok agrikalsa na didiman em bun tru bilong ol pipel bilong Papua Niugini na sapos dispela dipatmen i no mekim gut wok bilong em, sori tumas bai olgeta manmeri bai go pulap long taun na painim wokmani. Tru tumas dispela eria bilong agrikalsa na didiman i no mekim nais liklik long



kirapim bel bilong ol pipel bilong ples long wanem kain maket na rot ol kaikai bilong ol long gaden bai go long en long mekim liklik mani bilong ol.

Wankain tu yumi harim planti nius long ol kalabus lain i ronawe nabaut long ol haus kalabus insait long kantri. Em wanem kain lidasip haus kalabus i gat? Yumi harim pinis Minista bilong CIS Tony Aimohusat em Praim Minista surukim em go arere pinis bin tok olsem planti banis kalabus em bagarap pinis. Ol banis waia na haus slip samting em sting na bruk bruk pinis bikos em ol banis bilong bipo yet. Em askim long moa mani bilong stretim dispela.

Tasol we stap amamas na bel kirap bilong ol wokman long sanap strong na mekim gut wok bilong ol? Ating ol no amamas long

potnait pei bilong ol o olsem wanem? Gavman save apim pei bilong ol woda lain tu o nogat?. Haus slip bilong ol tu i orait o nogat?. Em planti samting Minista mas lukluk long en.

Yumi harim nius bilong bikpela bagarap long ol rot na haiwe we planti manmeri lusim laip bilong ol long birua bilong kar. Ol rot i bagarap. Em wok bilong Minista bilong Trensport. Noken sutim tok tasol long ol draiva o ol kar nogut. Minista gat wanem kain program bilong rot sefti na rot mentenens insait long kantri?

Ating polis dipatmen tu em Praim Minista mas lukluk long en na makim wanpela smatpela na strongpela minista husat bai sanap strong na mekim plen na putim mani na sapot long strongim lo na oda insait long kantri. Bikpela projek bilong LNG mas gat strongpela lo na oda stap long lukim projek ya i kamap na ron gut. Em lidasip bilong polis tasol

inap kamapim dispela. Sapos ol polis gat liklik bruk bruk namel long ol yet o sampela polis wok long kisim braiberi na sait mani nabaut, bai ol polis fos wok gut olsem wanem?

Ating sampela Sinia polisman bin tokaut pinis long niuspepa olsem sampela wanwok bilong ol save kisim hait mani. Ol save long ol yet na husat bai tokaut na kotim narapela narapela?

Em wanpela bikpela hevi lidasip bilong polis mas sanap strong long en na stretim.

Fainens Dipatmen bin stap insait long bikpela wok painimaut long las yia. Olsem wanem, em wanpela bikpela opis bilong kantri we mani bilong kantri stap long en. Olsem wanem, stretim lidasip nau.

Em ol sampela ministri Praim Minista Gren Sief Sir Michael Somare ken lukluk long en sapos em laik senisim ol minista bilong em.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Kongga

Editor Neville Choi

Published at Section 58, Allotment 3 Office 2, Waigani Drive

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Dokta sanap kot long dai bilong Michael Jackson
MI NO RONG: Dokta Conrad Murray, husat i bin dokta bilong leit Michael Jackson, i kamap long Los Angeles Supiria Kot haus kot long bekim ol sas olsem em i kilim Jackson. Dokta Murray yet i tokim kot olsem em i no gilty o em i no rong o asua na kilim Jackson.



MAKIM: Tupela hap man bilong pait long Wusu Kung Fu, i sanap mekim pait stail bilong ol long makim Saina Nu Yia we i pundaun long Tunde dispela wik. Ol dispela lain i soim pasin pait bilong Wusu Kung Fu long Sidni, Australia. (Poto i kam long AAP Images)



HEVI GEN: Ol US na Frens ses na reskiu tim memba i traim long rausim ol bikpela ston na ain long ples we wanpela bikpela supamakem i bin pundaun na kilim ol manmeri. Dispela supamakem i no bin sanap strong moa bihain long ol bikpela guria i kamap long Janueri 12.



Drew Brees husat em i namba 9 jesi bilong Nu Olins (New Orleans) Saints Ameriken Futbol tim i amamas bihain long em na tim bilong em i kilim ol Indianapolis Colts long bikpela gren fainal ol i kolim Super Bowl namba 54 long Sande dispela wik.



SWITPELA BLUFIN: Wanpela wokman long maket long kantri Frans i katim wanpela blu fin tuna ol i kisim long Sri Lanka yet. Frans i wanbel long tambu long salim blu fin tuna i go aut long kantri, tasol em i laikim 18 mun malolo pastaim long dispela lo i kisim strong. Ekoloji Minista bilong Frans, Jean-Louis Borloo i tok kantri klostu long em long Monako (Monaco), i bin kamapim dispela tambu, na Frans yet bai skelim long miting bilong Konvensen long Intanesenel Tred long ol Endensat Spisis bilong Wel enimal na plaua we bai kamap long ples Qatar long mun Mas. *(AP Poto i kam long AAP Images)*

DAUNIM BAINAT: Dispela man em i wanpela hapman tru long daunim ol longpela bainat. Nem bilong em Chayne Hultgren bilong Australia. Taim em i save mekim so bilong em, em i save yusim nem Space Cowboy. Long dispela poto, em i daunim 18-pela longpela bainat olgeta long mekim wol rekot long Sidni, Australia dispela wik Mande. *(AAP Images Poto)*



MEKSIKO BUNGIM HEVI: Wanpela bikpela kar i pulim wanpela kar long bikrot long Isten sait bilong Meksiko Siti. Tupela ten eit manmeri i dai long bikpela taim nogut we i pasim ol skul na olgeta bikpela rot long sentral Meksiko na bagarapim planti tausen haus. *(EPA Poto i kam long AAP Images)*



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)



KISIM SUSU: Wanpela wokman fama i kisim susu long ol kau ausait long Shanghai siti. (EPA Poto i kam long AAP Images)

Australia i tok sori long ol famili bilong ol Indian sumatin

FOREN Minista bilong Australia, Stephen Smith i tokaut pinis gen long bel sori i go long ol famili bilong ol sumatin bilong India ol i bin paitim ol long Australia.

Em i tok, Australia i gat loa i pasim dispela pasin bilong paitim o tok nogutim narapela pipel long kala skin bilong ol.

Em i bin mekim wanpela longpela toktok long Palamen long Kanbera (Canberra) bilong autim bikpela wari long ol hevi dispela trabel inap kamapim long wok pren namel long Australia na India.

Mista Smith i tok, em i to het long toktok wantaim wanwok bilong em long India, SM Krishna long wanem ol nupela senis ol i mekim long ol sumatin, maigresen na welfe

bihainim ol dispela pait ol i wok long mekim long ol sumatin.

Ol i arestim pinis bipo ami sif bilong Sri Lanka

LONG Sri Lanka, ol i arestim pinis bipo ami sif, Sarath Fonseka, husat i bin lus long ileksen bilong kamap presiden.

Stet Midia i tok, military polis i bin pulim kalabusim em na bai ol i sasim em wantaim ol sas ol i no bin tokaut long ol.

Presiden Mahinda Rajapakse i bin winim dispela ritaia jeneral long ileksen ol i bin holim long namba 26 de bilong mun Janueri, na ol soldia i bin arestim em long opis bilong bikpela oposisen alaiens, husat i bin sapatim em long

sanap kendidet long presidensial ileksen.

Lida bilong Oposisen long Sri Lanka, Ranil Wickremesinghe i autim strongpela toktok long pasin ol i mekim long dispela ares.

Tubuai Ailan long Frens Polinesia i painimaut long bagarap saiklon o kamapim

PIPEL bilong Tubuai Ailan long Frens Polinesia i stat pinis long painimaut long wanem ol bagarap i bin kamap long Saiklon Oli, i bin kamap long wiken.

Ol i stretim pinis pawa, wara na telepon long hap bilong ailan.

I go moa long pes 17

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6030; 7240(KHZ)
7pm - 9pm 5995; 6020; 9710; 1280(KHZ)

I kam long pes 16

Australia i tok sori long ol famili bilong ol Indian sumatin

FOREN Minista bilong Australia, Stephen Smith i tokaut pinis gen long bel sori i go long ol famili bilong ol sumatin bilong India ol i bin paitim ol long Australia.

Em i tok, Australia i gat loa i pasim dispela pasin bilong paitim o tok nogutim narapela pipel long kala skin bilong ol.

Em i bin mekim wanpela longpela toktok long Palamen long Kanbera (Canberra) bilong autim bikpela wari long ol hevi dispela trabel inap kamapim long wok pren namel long Australia na India.

Mista Smith i tok, em i to het long toktok wantaim wanwok bilong em long India, SM Krishna long wanem ol nupela senis ol i mekim long ol sumatin, maigresen na welfe bihainim ol dispela pait ol i wok long mekim long ol sumatin.

Ol i arestim pinis bipo ami sif bilong Sri Lanka

LONG Sri Lanka, ol i arestim pinis bipo ami sif, Sarath Fonseka, husat i bin lus long ileksen bilong kamap presiden.

Stet Midia i tok, military polis i bin pulim kalabusim em na bai ol i sasim em wantaim ol sas ol i no bin tokaut long ol.

Presiden Mahinda Rajapakse i bin winim dispela ritaia jeneral long ileksen ol i bin holim long namba 26 de bilong mun Januери, na ol soldia i bin arestim em long opis bilong bikpela oposisen alaiens, husat i bin sapotim em long sanap kendidet long presidensial ileksen.

Lida bilong Oposisen long Sri Lanka, Ranil Wickremesinghe i autim strongpela toktok long pasin ol i mekim long dispela ares.

Tubuai Ailan long Frens Polinesia i painimaut long bagarap saiklon o kamapim

PIPEL bilong Tubuai Ailan long Frens Polinesia i stat pinis long painimaut long wanem ol bagarap i bin kamap long Saiklon Oli, i bin kamap long wiken.

Ol i stretim pinis pawa, wara na telepon long hap bilong ailan.

Wanpela sip i kam long bikpela ailan bilong Tahiti i kamap pinis tu wantaim ol saplai na ol samting bilong mekim haus.

Narapela sip bai kamap sampela taim long dispela wik wantaim ol samting bilong statim wok long samting olsem tu handret ol haus, em saiklon i bin bagarapim.

Wanpela man bilong ailan, Alain Gylphe i tokim pinis Pacific Beat, olsem ol i pilim olsem ol i laki stret long stap laip.

Royal Komisin ov Inkwairi long Tonga

painimaut long trening bilong ol boskru bilong sip

OL i tokim pinis Royal Komisin ov Inkwairi bilong Tonga olsem ol lain i wok long painimaut moa long wanem samting i rong na wanpela feri sip nem bilong en Ashika i bin kapsait long yia i go pinis, olsem ol i bin autim pinis long wari long stendat bilong trening bilong ol kru bilong sip insait long dispela tenpela yia i go pinis.

Pasifik niusman, Campbell Cooney i ripot, menesa bilong Rijinal Maritaim Progrem bilong Sekreteriet bilong Pasifik Komyuniti Kepten John Hogan, i bin tokim Royal Komisin, ol odit o tes i bin soim olsem trening Maritaim Institusen bilong Tonga i bin givim i no bin gutpela tumas na planti long ol graduet i bin stap kru man long Prinses Ashika.

PIANGO i gat bikpela dinau tasol ol i sapotim yet

NAMBA WAN lain i sanap makim ol NGO o non gavman ogenaísesen long Pasifik, i gat bikpela dinau, tasol ol memba i sapotim em yet.

Pacific Islands Association of Non Government Organisations oa PIANGO i gat samting olsem 400-tausen US dola dinau.

Pasifik niusman Campbell Cooney i ripot olsem long yia i go pinis, ol aid lain blong Australia na New Zealand (Nu Silan), em long Ausaid NZAID, tupela i bin pinis long sapotim PIANGO long mani, bihain long ol i odit o glasim ol buk bilong en na painim aut olsem, em i gat moa long 400-tausen US dola dinau bikos ol i no save menesim gut mani.

Wok bilong en yet long glasim ol buk bilong en i painim aut tru tru olsem, yes dispela bikpela dinau i stap, na long wik i pinis oli bin presentim dispela ripot long ol memba bilong PIANGO.

Siaman, Drew Havea, i tok PIANGO bai go het, tasol em no nap wet tasol long helpim i kam long ol dona kantri.

I kam inap long yia i go pinis, Australia na Nu Silan tasol i save givim mani bilong ronim ol wok bilong PIANGO.

Wok painim long kapsait bilong feri i go het

WOK bilong Tongan Royal Komisin ov Inkwairi - lain i wok long painimaut moa long wanem samting i rong na wanpela feri sip, nem bilong en Ashika, i bin kapsait long yia i go pinis, i go het yet.

Nau em i statim namba wan de long ol las pablik miting bilong harim toktok bilong pipel long dispela bagarap.

Sevenpela ten pipel i bin lus long solwara taim dispela feri, Prinses Ashika, i bin kapsait long mun Ogus long 2009.

Dispela birua i makim wanpela bikpela birua o disasta tru long histori bilong Tonga, na em i bin namba wan bikpela birua tru long Pasifik rijen.

Em i bin kapsait na go daun long solwara sikspela wik tasol bihain long ol i bin baim long Fiji.

Insait long olgeta 39 de ol i sindaun harim toktok bilong pipel, Royal Komisin i harim oslem dispela feri, em Tonga Gavman siping kampani i bin baim, i no bin sef na em i no

bin fit long ron long solwara.

Ol i painim ken posin long milk long Saina

OL gavman opisal long Saina i wok long pasim ol kampani i save wokim milk na ol arapela samting ol i wokim long milk.

Ol i wokim dispela bihain long ol i painim sampela nupela posin gen i stap insait long milk o susu paura.

ABC niusman long Saina, Stephen McDonell i ripot olsem long 2008, sikspela pikinini i bin dai na planti handret tausen i bin go long haus sik bihain long ol Saina kampani i save wokim milk na ol narapela samting, i bin miksim kain posin kemikal ol i kolim Melamine long paura milk.

Ol i wokim olsem bilong apim mak bilong protin long milk, tasol dispela pasin bilong ol i bin kamapim bikpela bagarap tru long Saina deri indastri - bisnis long milk na ol narapela samting i kam long milk.

Nau ol inspekta long Saina i painim sampla nupela paura milk em i gat ken Melamine long en.

Tupela kampani - Tiantian na Panda long Ningxia, nau ol i pasim pinis.

Ol lokal nius ripot i tok, klostu 100 tonnes posin milk ating i mas stap long ol stoa nambaut.

Nogat ripot i kam sapos sampela i dai pinis oa oli sik long dispela nupela raun bilong posin milk.

Sik kolera i kamap bikpela long kantri

SIK kolera (cholera) i wok long go nambaut long pipal insait long Papua Niugini.

Ol gavman helt opisal nau i tok, dispela sik nau i kamap bikpla pablik helt wari long kantri.

Ol i tok makim nesanel kodineta bilong gavman long dispela sik, Victor Golpak, long tok wari long dispela sik bipo i bin nogut tasol nau em i nogut olgeta.

Stat long taim ol i bin painim namba wan man wantaim dispela sik long mun Ogus long 2009, ol i painim pinis nau moa long tu tausen long kantri.

Planti long ol PNG pipel i gat dispela sik i stap long Morobe provins, Madang na Is Sepik provins.

Long mun Januери, ol i bin painim tu wanwan manmeri i gat sik kolera long Isten Hailans Provins na long kapitel Pot Mosbi.

Pacnews i tok 45 pipel i dai pinis long kolera.

Bilong wanem na gavman i no makim Pasifik minista?"

LAIN oposisen long Australia i tok i luk olsem gavman i stretim tingting pinis long noken makim wanpela nupela Palamenteri Sekreteri bilong Pasifik Afes.

Duncan Kerr i bin toksave las yia olsem, em bai pinis long dispela wok taim nupela nesanel ileksen i kamap, olsem na em i lusim dispela Palamenteri Sekreteri wok.

Hai Komisina bilong Papua Niugini na bilong Samoa tupela wantaim i tokaut long wari bilong tupela olsem nogat man i kisim yet wok bilong Mista Kerr.

Liberal Seneta Alan Ferguson, i tok Praisim Minista i bin tokaut long ol nupela ministerial wok long palamen na ol i no makim wanpela man bilong Pasifik Afes.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Program bilong Wanwan De

Mande - Fraide

- 6am - 10am - Sankamap show - Host: KAST
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stoni b'long Skelim Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN

- 9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde/ Fonde) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta

- 3:10pm - Avinun cruz
4:00pm - NIUS - YUMIFM Senta
4:10pm - FOAPELA KAM GUD LONG 4"
4:30pm - Nius Hetlains
4:45pm - YUMI PAINIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipin Kampani long ol nait shift.

Weekend Shift - Saturday & Sunday
6:00am - 11:00am - Wilen Sanrais
6:30am - Komuniti Notis Bod - Bondei grittings
7am - 9am - Wilen Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Turner (KAS.T) Anifeae - Team Leader / Program Director
Angra KENNEDY - Senior Announcer
Sinimil (Vaviesse) Philipo - Promotions Co ordinator
Papa Raegs - Announcer Nenge Neings - Announcer
Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

- 6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

- TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

- TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

- FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

- FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

- SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

- SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru...

BJ Nagura na 'Mori-e' bai pairap laiv

MORI-E, dispela singsing em i stap na pas pinis long maus na nek bilong ol manmeri na pikinini insait long kantri bilong yumi bai pairap gut tru taim ben BJ Nagura i kisim stes long dispela mun long Mosbi.

BJ Nagura em i wanpela nupela na yangpela ben i kam insait long musik indastri bilong yumi, ol dispela yangpela mangi bilong Bogenvil, Kerema na Sentral i kirapim ben long yia i go pinis, na ol singsing bilong ol, planti i go antap long sat bilong ol redio stesin bilong yumi long kantri.

BJ Nagura bai mekim wanpela laiv musik konset long wanpela klab long Mosbi long namba 26 de bilong dispela mun bilong promotim dispela namba wan albam bilong ol.

Dispela nait ol lain long Mosbi husat i save bihainim singsing bilong ol osem Mori-e, Pretty Girl (naispela meri), U say (yu tok) na planti moa.

BJ Nagura i no namba wan taim bai ol pilai laiv, ol i bin pilai laiv long sampela bikpela so insait long kantri na dispela taim ol i givim long promotim dispela albam bilong ol.

Long dispela nait tu bai lukim ol i pilai wantaim wanpela yangpela mangi, husat i strongim ol long mekim dispela albam bilong ol, dispela mangi tu, singsing bilong em i wok long go antap long sat bilong Nesanel redio musik

kaun daun long Yumi FM Hitpareid. Nem bilong dispela mangi em Brixie, na ol singsing bilong em i wok kirapim das nau yet em, "Oh Rait Stella" na "Lese Mori" dispela ol singsing tu bai

yu harim long dispela nait. Osem na yu husat save bihainim singsing bilong BJ Nagura o yu sapota o musik fen bilong ol, kam long Sport Inn na lukim pilai laiv wantaim singsing yu save laikim,

K25 long kisim yu go insait na sapos yu baim long han bilong ol ben memba, bai yu baim K20 tasol long go na lukim na harim ol.

Advertisement for BJ NAGURA LIVE AT Sports Inn Album Promotion. Features photos of the band and text: "Mori eh", "Pretty Girl", "U Say", "Oh Rait (Stella)", "Lese Mori". Includes date FRI.26th.FEB.2010, Gate Fee K25 - Presold K20, and contact info: Tickets Contact: Joe 7239 7809.

EMTV Television Guide

FONDE FEBRUERI 11, 2010

- 5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINEUP
2.59PM STATION OPEN
KIDS KONA
3.00PM G PINKIE PIXEL
3.30PM G HI-5
4.00PM G THE SLEEPOVER CLUB
4.30PM G THE SHAK
5.29PM G EMTV NEWS UPDATE
6.00PM G NATIONAL EMTV NEWS
6.30PM G A CURRENT AFFAIR
6.59PM NEWS UPDATE IN TOK PISIN
7.00PM G SPORTS SCENE (return for 2010)
7.27PM G EMTV TOK SAVE
7.30PM G RAIT MUSIK
Produced by CHM, each week get a dose of your own, home-grown and locally produced video clips including the latest music video clips.
8.30PM PG ELITE MUSIC ZONE (return for 2010)

- **ALL NEW**
9.00PM PG SUPERSTARS OF DANCE 2nd Semi Final - Superstars of Dance welcome the world's greatest dancers from around the world to compete in an exhilarating, international dance competition. The stakes are high as the teams are not only representing themselves, but also their dance form and their entire nation.
10.00PM G NATIONAL EMTV NEWS REPLAY
10.30PM M LADETTE TO LADY
11.30PM Australia Network

FRIDAY, FEBRUERI 12, 2010

- 6.59AM G STATION OPEN
7.00AM G JOYCE MEYER: Enjoying Every Day Life
12.59PM STATION OPEN
1.00PM G ONE DAY SERIES AUSTRALIA v WEST INDIES From the Sydney Cricket Ground, Sydney.
5.00PM G HOT SOURCE
5.30PM G AUSTRALIA v WEST INDIES ...continue...
5.55PM G CRIME STOPPERS
6.00PM G NATIONAL EMTV NEWS
6.30PM G AUSTRALIA v

- WEST INDIES...continue...
9.10PM G IN MORESBY TONIGHT (return for 2010)**ALL NEW**
10.00PM G SUPER 14 Round-robin competition between teams from Australia, New Zealand and South Africa.
12.00PM G NATIONAL EMTV NEWS REPLAY Repeat of the 6 o'clock main news bulletin
112.00PM Australia Network

SARERE FEBRUERI 13, 2010

- 11.30AM STATION OPEN
12.00PM G HI-5
12.30PM G THE SHAK
1.00PM THE SENSITIVE SAMURAI
2.00PM G SUPER 14 Round-robin competition between teams from Australia, New Zealand and South Africa.
4.00PM G MXTV MXTV is Australia's favourite dirt bike TV show and the choice and voice of dirt bike riders across the country. No matter what your discipline - whether it be Motocross, Supercross, Enduro, Trail Riding, Trials, 4-Wheeler's, Freestyle, Tricked or even just

- running around the farm on your ag bike, MXTV is the only place where you'll find out a bit about all that and much more.
4.30PM G STATE OF ORIGIN The Classic Matches - Relive the guts and glory of State of Origin Football as EMTV brings you the "State of Origin - Classic Matches".
6.00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW
7.30PM G OUR CHILDREN OUR HOPE OUR FUTURE
7.57PM EMTV TOK SAVE
8.00PM G SUPER 14
10.00PM PG IN MORESBY TONIGHT
10.30PM PG ELITE MUSIC ZONE
11.00PM G NATIONAL EMTV NEWS REPLAY
11.00PM G NATIONAL EMTV NEWS REPLAY
Midnight Australia Network

SANDE FEBRUERI 14, 2010

- 6:30AM G IT IS WRITTEN: It Is Written is an international, Christian television ministry dedicated to sharing insights from

- God's word with people around the world.
7.00 G HILLSONG
7.30AM Australia Network
12.59PM STATION REOPEN
1.19PM STATION REOPEN
1.20PM G ONE DAY SERIES AUSTRALIA v WEST INDIES From the Gabba, Brisbane.
5.00PM G TOTAL RUGBY
5.30PM G AUSTRALIA v WEST INDIES ...continue...
6.00PM G NATIONAL EMTV NEWS
6.30PM G AUSTRALIA v WEST INDIES ...continue...
9.00PM M SUNDAY NIGHT MOVIE: MATRIX RELOADED(2003) Action/Sci-Fi/Thriller - Neo and the rebel leaders estimate that they have 72 hours until 250,000 probes discover Zion and destroy it and its inhabitants. During this, Neo must decide how he can save Trinity from a dark fate in his dreams. Stars: Keanu Reeves, Carrie-Anne Moss, Hugo Weaving, Jada Pinkett Smith.
10.30PM G HILLSONG
11.00PM G NATIONAL EMTV NEWS REPLAY
11.30PM Australia Network

TORO



BIABIA



KANAGE



TOKWIN

Wok nating hia long Mosbi...

Plantu ol miting bilong ol papagraun bilong LNG projek i wok long kamap nabaut long Mosbi. Plantu ol lain brata susa bilong Hela rijon na tu ol lain bilong Hela-Pori insait long Mosbi siti i wok long bung wantaim ol siaman na ol jenerol seketeri bilong ol fran long ol ofis long Mosbi na mekim ol toktok i stap. Moabeta wanem samting ol i toktok long en em ol lain long ples na haus-lain tu i mas save. Nogut hevi i kamap bihain. Bikpela samting em ol lain long asples na as-graun we projek i kamap i mas save long wanem ol kain kain pepa wok em ol lain i toktok long en.

Okuk Haiwe bagarap...

Bikpela rot insait long kantri em Hailans Haiwe o Okuk Haiwe i wok long lukim sampela seksin bilong rot i bagarap tru. Bikpela ren long Hailans rijon long ol wiki go pinis i helpim long kamapim dispela ol hevi. Woks dipatmen na ol kampani husat i wok kontrak long stretim rot i mas lukluk moa igo insait long dispela ol hevi kwiktai na stretim. Dispela Hailans Haiwe em 'Laiplain' bilong kantri bikos olgeta ol saplai na ol samting bilong wok long ol risoses i save yusim dispela rot tasol. Moa long en tu ol kaikai bilong stua i save go kam long dispela rot na sapos hevi i kamap ol lain manmeri

long Hailans rijon bai kisim taim stret.

Sik kolera i no pinis yet...

Toktok bilong sik kolera long Goroka i go daun pinis na sampela lain i stat gen long salim ais-blok na skon flaua long strit. Taim toktok bilong kolera i bin kamap bikpela long las yia, planti lain i stop long salim ais blok na skon long strit na maket. Nau toktok i slek i go daun na ol lain bilong wokim dispela infomel sekta bisnis i kirapim gen bisnis bilong ol. Tasol moabeta ol i mas yusim gutpela klipela wara na tu wasim han bilong ol gut pastaim long ol i miksim kodial o miksim flaua. Dispela em bikpela samting long sait bilong helt bilong ol kastoma. Tokwin Tasol...

L	T	O	R	O	K	I	N	A	I	P	O	P	I	R	O	K
A	P	U	T	O	G	R	L	E	I	N	S	U	T	O	P	M
M	K	N	I	A	R	E	N	K	S	U	P	I	N	M	E	O
A	B	U	I	N	R	A	P	E	K	E	N	O	A	S	U	T
N	E	M	S	I	T	U	F	O	L	O	K	M	E	R	W	U
K	R	A	T	V	A	L	B	A	L	B	N	E	P	S	A	P
U	M	B	U	K	U	N	E	A	N	M	I	G	O	Z	I	E
A	S	B	U	K	A	T	U	L	O	P	Y	U	A	S	K	N
F	R	E	K	T	A	S	O	G	A	N	A	R	I	Z	U	A
W	A	K	U	N	A	I	L	O	N	P	E	K	T	U	O	M
T	O	I	M	O	N	A	P	U	O	A	B	U	D	I	O	S
A	X	E	L	R	O	U	S	R	E	A	P	I	S	N	A	W
W	U	T	O	M	A	V	A	K	I	N	O	G	I	S	O	M
A	L	A	M	T	E	R	V	O	I	P	L	E	D	I	K	N
R	E	T	U	L	I	K	A	T	M	A	N	D	E	R	O	U
A	S	G	R	O	I	V	R	I	D	B	M	H	E	L	N	M
K	U	N	A	P	O	P	O	S	I	A	P	I	S	U	I	A

Painim ol dispela ples long Bogenvil:

BUKA	ARAWA	PANGUNA	TINPUTZ	SIARA	DIOS
WAKUNAI	VITO	KIETA	AROPA	TAKI	TOIMONAPU
ORAVA	BUIN	ARU	KONGA	BOKU	TARUBA
MOSIGO	MOTUPENA	TOROKINA	KORIPOPI	AMUN	SIPAI
PUTO	KUNAPOPO	LAMANKUA			

	9			7			
2	3			6		4	
		7	3	8			9
8	7	2			1		5
		5	4		8	6	
4	6		7			8	2
7				3	2	5	
		3		7			1
			5				8

6	7	4	3	1	9	2	5	8
3	1	2	8	4	5	6	7	9
9	8	5	2	7	6	1	3	4
2	4	8	9	3	1	5	6	7
1	6	3	7	5	4	9	8	2
7	5	9	8	2	8	4	1	3
8	2	6	1	9	3	7	4	5
4	9	1	5	8	7	3	2	6
5	3	7	4	6	2	8	9	1

Ansa bilong las wik Sudoku

Ansa bilong las wik Pasol

P	I	S	T	O	L	P		C	B							
K						W	O			I	O					
E			U			K					D	M	I	N	I	A
P	B					K	G	S							M	N
								O	A		K				I	E
						H								A	T	R
K	R	A	I	M	S	Y	U	N	I	T		S	R	U	I	
						N					U		A		A	A
						G					N	S			K	T
K	O	L	B	T	O	R				I					U	S
						A					M		F		L	L
						P						O	A			L
S	E	K	I	M	L	A	I	S	E	N	S	M				O
						A										P
						S					H	O	L	I	M	P
						S	I	L	O	P	I	T	I	N	U	V

EMTV Television Guide

MANDE FEBRUERI 15, 2010
 5.00AM G JOYCE MEYER Religious Program
 5.30AM G TODAY
 5.00AM EMTV PRIME TIME LINEUP
 2.59PM STATION OPEN
 KIDS KONA
 3.00PM G PINKIE PIXEL
 3.30PM G HI-5
 4.00PM G THE SLEEPOVER CLUB
 4.30PM G THE SHAK
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G TOK PIKSA (return for 2010) PNG's own current affairs program compiled and produced by National EMTV News on politics, human interest, and social development stories from PNG.
 ALL NEW
 7.29PM EMTV TOKSAVE
 7.30PM G OUR CHILDREN OUR HOPE OUR FUTURE
 A short video film on The Early Childhood Care Development Policy developed to provide guide-

lines for co-ordinated approaches by relevant partners in the areas of curriculum development, parental & child care responsibilities.
 8.00PM PG THE SIMPSONS
 8.30PM G PASTOR JOSEPH KINGAL MINISTRIES: "The Power of God's Word"
 9.00PM PG SURVIVOR: SAMOA
 10.00PM G NATIONAL EMTV NEWS REPLAY (new time)
 10.30PM G HILLSONG
 11.00PM PG THE KING OF QUEENS
 11.30PM PG SPECIAL EVENT: THE ALLAN BORDER MEDAL
 Join us for Cricket's night of nights from Melbourne's Crown Palladium. In what has been a big year for the Aussie Squad, who will take out the prestigious Allan Border Medal and carry the title of Australia's best cricketer?
 12.30PM Australia Network
 TUNDE FEBRUERI 16, 2010
 5.00AM G JOYCE MEYER Religious program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics

10.10am - Grade 7 Science
 11.00am - Grade 8 Mathematics
 11.50pm - Grade 8 Science
 12.40pm - Grade 6 Mathematics
 1.30pm - Grade 6 Science
 2.20pm - DEPI for Teachers
 2.59PM STATION REOPEN
 KIDS KONA
 3.00PM G THE BACKYARDIGANS
 3.30PM G HI-5
 4.00PM G THE PYRAMID
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G HAUS & HOME
 7.27PM EMTV TOK SAVE
 7.30PM PG CRUSOE: Rum and Gunpowder - In this special two hour series premiere, Robinson Crusoe, the only survivor of a shipwreck, and his trusty companion Friday, a native whose life he saved, find themselves in danger

when a group of pirates land on the island. They are searching for a legendary treasure, and the daughter of the pirate who buried the treasure, Judy, threatens to kill Crusoe unless he acts as a guide to the island.
 Friday, thought dead, pursues the pirates in order to rescue his friend. The situation goes from bad to worse when the Spanish Guard, lead by Captain Santana, lands on the island and joins forces with the pirates whom they have been sent to arrest.
 (2-hour series premiere)**NEW DRAMA**
 9.30PM PG WHAT'S GOOD FOR YOU (final)
 10.00PM G EMTV NEWS REPLAY
 11.30PM Australia Network
 TRINDE FEBRUERI 17, 2010
 5.00AM G JOYCE MEYER Religious Program
 5.30AM G TODAY
 9.00AM EMTV PRIME TIME LINEUP
 2.59PM STATION OPEN
 KIDS KONA
 3.00PM G THE BACKYARDIGANS
 3.30PM G HI-5
 4.00PM G THE PYRAMID

4.30PM G THE SHAK
 4.57PM G EMTV TOK SAVE
 6.57PM NEWS UPDATE IN TOK PISIN
 7.00PM PG THE WORLD AROUND US
 Wildlife Man featuring David Ireland: Ancient Predators David hand feeds moray eels, giant stringrays, giant cuttlefish, wobbling sharks, grey nurse sharks, grey nurse sharks and wrestles with a huge octopus that lives in an old shipwreck. This production showcases David's ability to work with dangerous sea creatures and has a strong environmental message.
 7.57PM EMTV TOK SAVE
 8.00PM M RESCUE SPECIAL OPS
 9.00PM M WEDNESDAY NIGHT MOVIE: MILLION DOLLAR BABY (2004) Drama/Sport - A hardened trainer/manager works with a determined woman in her attempt to establish herself as a boxer.
 Stars: Clint Eastwood, Hilary Swank, Morgan Freeman.
 Winner of Four Academy wards
 12.00MIDNIGHT Australia Network

Lae CT Nite Kru kisim seils ples bilong BJ Nagura ben

OL I kam insait long PNG Musik sat long tupela yia i go pinis tasol namel long dispela taim ol i mekim bikpela senis.

Dispela ben em CT Nite Kru, husat i bilong ples Mailu, namel long Sentrel na Milen Be provins.

Albam bilong ol em Tagela na ol i mekim bikpela sels long Lae, Morobe provins.

CT Nite Kru i bung wantaim BJ Nagura long kamapim nupela stail musik bilong Papua Niugini.

Em kain stail we planti ol yangpela bilong dispela taim i laikim long em.

Foapela man husat i kamapim dispela ben husat i kamapim singsing "More E", BJ Nagura, i pairap strong long Momase, Hailans na Niugini Ailans rijen wantaim gutpela maketing na seils distribusen bilong ol.

SVS Supamaketi i helpim long mekim dispela seils na distribusen.

Dispela albam em Latitude Zero Prodaksens bilong Korobosea long Nesenel Kapitel Distrik i helpim long kamapim.

BJ Nagura i gat ol mangi husat i kam long Galp, Sentrel na Otonomes Rijin bilong Bogenvil.

Ol i bin bung na kamapim dispela albam long tupela yia i go pinis long studio bilong wanpela Bogenvil man em Harold Semoso.

Dispela ol mangi em Richard Ukia, David Mune Jr husat i bilong Kerema, Brian Lapila bilong Mailu Ailan na Bogenvil mangi em Jordon Semoso.

Ol mangi em krismas bilong ol i stap namel long 18 i go long 26.

Singsing bilong ol olsem Morie, Priti Gel na Yu Sei i no kisim longpela taim long ol i kamapim nem.

Eksekutiv produsa na pablisa Harold Semoso i tok long dispela grup Ukia i stap olsem menesa na liris bilong ben.

"Olgeta mangi i gat save long pilaim musik na dispela i soim long kamap bilong nem bilong musik bilong ol.

"Ol i gat save bilong raitim na singim ol singsing wantaim," Semoso i tok.

'Nagura' long tok ples bilong ol Mailu we i min Mejik i nupela pes i kamap long musik sat bilong PNG.

Mi ting BJ we i sanap makim 'Best Joints' i dispela masalai we i bungim gut kamap bilong dispela ben taim tupela i kam bung wantaim namel long Me i kam long Septemba, 2008.

Tagela i nem bilong albam bilong ol tasol i nem bilong wanpela singsing insait long dispela kaset. Nem Tagela tu i nem bilong



BJ Nagura: Ol i pilai raun long sampela bikpela wok pinis.



Jordan Semoso: Man i bosim enjiniaring bilong dispela albam.

wanpela ailan long ailan grup bilong Mailu i tokaut long stori bilong wanpela god we i kamapim ol manmeri bilong Mailu.

BJ Nagura i namba wan komesel hit ben bilong Latitude Zero Prodaksens.

I tru nem bilong ol i kamap

bikpela tasol mi pret olsem nogut ol manmeri bai no inap long laikim long wanem dispela em olpela singsing.

Oltaim ol manmeri i save laikim ol nupela singsing.

Em i no gutpela tu long sait bilong NB Nagura long wanem ol singsing bilong em i stap yet taim lid singa Uki i go bilong em yet na singim moa ol wankain singsing long solo albam bilong en.

Long dispela as mi askim Uki long em i no mekim olsem.

Tasol sapos sampela gutpela samting i mas kamap, BJ Nagura klostu taim bai kamap na pilai long Lae Siti we ol bai pilai long 24 i go inap long 26 Febuari, 2010.

Lae promota Dennis Seeto i hop olsem kamap bilong ol long dispela taim bai helpim ol long promotim albam bilong ol.

Ben i mekim nem pinis long taim ol i helpim Is Nu Briten Spot tim long mekim mani long kamap long 2009 PNG Gem long Mosbi.

Wantaim dispela ol i kamap long foapela promosen so bilong Bimobail long 2009.

"Mipela i no oganaisim ol tua long wanem ben i mekim ol wok-about bilong en pinis long sampela ol bikpela senta long taim bimobail i mekim promosen wok-about bilong en.

"Long dispela taim ol i pilai wantaim ol ben olsem Spaida Trakz.

"Long as mipela i bilip i moa gutpela long tromoi mani long redio edvetaising long wanem ol manmeri i save pinis long mipela," Seeto i tok.

Manmeri i ken kisim kopi bilong TAGELA albam long ol SVS supamaketi na ol arapela gutpela stoa. Prais bilong albam em K19.90 na kaset i kos K13.90.

Long Jordon Semoso em i bin mekim ol rekoding na enjiniaring wok stat long taim em i gat 15 krismas.

Planti bilong dispela ol wok em i mekim long Bogenvil na bihain wantaim Frank Parkinson bilong Walter Bay studio long Gordons, Mosbi.

Jordon i bin kamapim inap olsem 8-pela albam olsem Soles Mates bilong Gogohe, Strivers bilong Selau, New Era bilong Hahalais na ol arapela Bogenvil ben.

BJ Nagura i namba wan albam we i kamapim gutpela bilong Latitude Zero's Prodaksen studio bilong ol Semoso.

"Ol rekoding long Buka i givim gutpela save long Jordon long mekim kain wok olsem."

"Kain wok i mekim em i bilip long em yet na long pilaim ol kibod we em i helpim long kamapim Tagela albam," Harold Semoso i tok.

Raun wantaim Kanage olgeta wik



- NAME:** Lui James
KRISMAS: 23 (man)
ADRES: C/- PNG Teachers Association, P O BOX 105, Kotidanga Sub Branch, Kerema Gulf Province
SAVE LAIKIM: raitim pas, harim musik, pilai soka na volibol
- NAME:** Apena Mark
KRISMAS: 18 (man)
ADRES: C/- PNG Teachers Association, P O BOX 105, Kotidanga Sub Branch, Kerema Gulf Province
SAVE LAIKIM: go raun, pilai soka, stori na go lotu.
- NEM:** Zirry Kay
KRISMAS: 26 (man)
ADRES: Gordons Food World, P O Box 743, Gordons NCD
SAVE LAIKIM: pilai soka, harim musik, raitim pas na go lotu.
- NEM:** Alfonz .ky.Moine
KRISMAS: 22 (man)
ADRES: C/- Joe Ting Airoma, Vanimo Forest Product, P.O. Box 41 Vanimo, Sandaun Province
SAVE LAIKIM: Lukim TV, harim pop musik, waswas long solwara na senisim presen.
- NEM:** Melitha Tamatoeh
KRISMAS: 24 (meri)
ADRES: Grace Baibel Baptist Mission, P.O.Box 176 Buka, A.B.R
SAVE LAIKIM: Go lotu, ritim buk, pilai gita na singim song.
- NEM:** Gesam Samuel Noinapango
KRISMAS: 22 (man)
ADRES: Bema Lae Post Office, Morobe Province
SAVE LAIKIM: Pilai spots, tok pani, raitim pas, mekim pren na harim gospel musik.
- NEM:** Armu Puanee
KRISMAS: 39 (man)
ADRES: C/- Luke Waine, P.O Box 371, Kimbe, West New Britain.
SAVE LAIKIM: Raitim pas, mekim pani na ritim pas.
- NEM:** Siwa Yawi
KRISMAS: 29 (meri)
ADRES: RD Tuna Cannery, P.O Box 2113, Madang Province.
SAVE LAIKIM: Ritim buk, kaikai buai na raun raun
- NAME:** Jimmy Francis
KRISMAS: 18 (man)
ADRES: Kiungu Secondary School, P O Box 38 Kiunga Western Provins
SAVE LAIKIM: harim musik, raitim pas na ritim buk.
- NAME:** Elton M Ori
KRISMAS: 16 (man)
ADRES: C/- Harevela Ori, Dept Of Agriculture, P O Box 35, Kerema Gulf Provins
SAVE LAIKIM: stori tumbuna, pilai soka, harim musik na go long skul.

US soldia

KANAGE em i US Soldia em laik dai long haus sik bet bilong em na em i askim nes long karim US Flek i kam na em bai kis long em na bihain em bai dai gut. Nes i bekim, 'nogat wanpela flek insait long haus sik, tasol mi gat wanpela tatu bilong flek i stap long as bilong mi. Kanage harim na tok, 'honest, mi bai amamas tru long kis long em,' Em kis pinis na tokim nes, "Plis tanim na mi tok halo long Presiden Bush"

Sims 4mie
 Popondetta

'Luk' long bas

KANAGE i raun long Kimbe taun i go na mani pinis long pasin bilong salim wasa long long nabaut. Apinun nau, na Kanage kalap long las bas stret "WANBEL NAPE" na em i ron i go olsem long Buvussi. Bas i lusim Mai rotbruk i go antap nau, boskru i kolektim bas fe long ol pasindia. Boskru kisim bas fe long ol pasindia i go na kamap long Kanage nau, Em sikirapim het bilong em tasol na tok isi long boskru "Mi Luk". Boskru i no harim gut na em i askim Kanage, yu toktok strong na mi harim, Kanage i no westim em i kirap tokim boskru stret, planti taim mi save baim bas bilong yu. Sori nau yu Wanbel Nape long mi na mi "Lukim Bus" boskru em paul olgeta. Em i laik lap o em i laik hatim Kanage. Em kirap tokim Kanage ol man i save luk long pilai kas tasol. Nau yu stat long lainim ol man long luk, long bas bai no long taim ol man i stat long luk long ol sip na balus wantaim. Ol pasindia i harim olsem na olgeta i lap.

Brenden Kilo
 Kimbe

Kastom Mangi

WANPELA moning meri bilong Kanage laik go long maket long Dagua na em tokim Kanage, 'plis naispla man bilong mi nogat makmak bilong yu. Mi bai go long maket long salim buai bilong mi na bai yu was long liklik Vero na stap long haus. Olgeta samting mi wasim na hangamapim long lain i stap. Sapos ren i pundaun yu rausim ol klos i stap long lain. Gel tekov pinis long maket na bikpela ren



i pundaun. Kanage rausim ol klos bilong em wantaim pikinini na i no rausim pens bilong misis. Apinun nau na meri bilong Kanage kam bek na lukim olsem bikpela ren stret long ples, em kam daun long PMV na rot stret long haus na lukim olsem Kanage i no rausim pens bilong em long lain. Em i belhat na bikmaus antap long Kanage, 'mekim wanem na yu no rausim pens bilong mi long lain?' na Kanage tokim em 'plis em kastom ya. Hau bai mi holim pens bilong yu?' Meri bilong em kirap na tokim em olsem, "san na yu tok kastom, nait husat dispela masalai pukpuk save kaikaim long tit na pulim rausim?"

Kevin Penias
 E S P

Yupela i no mangi moa

KANAGE i gat tupela pikinini man. Tupela wantaim i marit na stap wantaim papa na mama bilong tupela. Wanpela taim, Kanage i spak nogut tru na kamap long haus. Em singautim tupela pikinini man bilong em na meri bilong tupela i kam bung. Em nau Kanage i tokim ol olsem:

'Sori tupela pikinini bilong mi, mi laik toksave long yupela olsem em i no gutpela long yumi olgeta i stap long wanpela haus tasol. Yu tupela marit pinis na yu tupela mas wokim haus bilong yupela na stap long em nau. Mi wantaim mama bilong yupela i les pinis long harim kain kain nois bilong guria yupela save wokim long nait. Em samting bilong sem yah. Long wankain taim, em i no gutpela long yupela harim ol kain kain nois mi wantaim lapun bilong mi wokim. Yupela i no manki moa. Yupela i save olsem taim bikpela guria i kamap, haus i save mekim nois ya. olsem em i moa gutpela long yu tupela i mas wokim haus bilong yupela yet'. Tupela pikinini man bilong Kanage em sem long toktok bilong papa bilong ol na go stap wantaim ol tambu bilong ol.

Andrew Luh Dhai
 Angoram

Ol skwat!

Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.

Email: atolire@wantok.com.pg

Bai yu i gat sans long winim "Raitman Kanage" †-siot!

Painim Tok! Raitim daun wanem pani samting yu ting i gutpela insait long babol long potu...

BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem:..... Adres:.....

Krismas bilong yu:..... Telepon:.....

Yu baim Wantok niuspopa long wanom hap:.....

(Rot, Maket, Stua).....

Karim long hia:.....

Bagbag pipel no laikim solwara maining

Paul Zuvani i raitim

MOA long 2000 manmeri long Bagabag ailan long Madang provins bai kisim taim nogut taim maining aninit long solwara bilong ol i kamap.

Wantaim sindaun bilong ol em bagarap bilong solwara.

Ples na graun we wanpela taim ol i save kolim "Paradais" bai pinis.

Dispela em ol toktok bilong sampela lidaman bilong ol ailan long taim maining i kamap long solwara.

Toktok bilong solwara maining i no go gut long yau bilong ol.

Solwara maining wok i kamap pinis namel long solwara bilong Nu Ailan na Is Nu Briten Provins.

Paul Daing, teknikol etvaisa bilong Bagabag Komyuniti Dvelopmen Asosiesen i tok ol pipel bilong em i no amamas long ol toktok bilong dispela wok painim aut.

"Mipela i no amamas long harim ol tok na mipela i no laik bai dispela wok painim aut i kamap," Mista Daing i tok. "Dispela bai bagara-

pim sindaun na stap bilong mipela."

"Solwara wankain olsem graun i laip bilong mipela. Mipela i no inap larim dispela kain wok i kamap," em i tok.

I gat ripot olsem Pres-tine Ltd 95 bilong Brisben, Australia bai go pas long mekim dispela wok painim aut.

"Ol ripot i wok long kamap olsem sampela marasin nogut em Tolukuma Maining Kampani i tromoi long ol wara Agua na Angabanga long Sentrel provins we dispela i bagarapim dispela ol wara."



NO SAPOTIM: Masin bilong katim ston aninit long solwara.

Dispela ol wara em planti ol pipel i save waswas na kisim strong long ol. Na taim ol i bagarap dispela i bagarapim tu ol pipel taim ol i yusim ol.

"Mipela i no laik bai wankain pasin i kamap long mipela,"

Daing i tok.

Em it ok ol bai mekim olgeta samting long stopim dispela wok painim aut na maining long kamap.

"Mipela ol lokel pipel i no kisim wanpela toksave long provinsal

gavman, nesanel gavman o kampani long tokim mipela olsem kain samting bai kamap.

"Mipela i harim tasol long nius na dispela i no go gut wantaim mipela.

BAHA HIV polisi kamap gut

BAHA HIV polisi developmen wantaim ol bikpela spona i wok long kamap gut.

Platium spona Steamships Trading Kampani nau i gat HIV polisi developmen komiti na 11-pela wokman bilong em i redi pinis long kamap wantaim polisi plen bilong ol.

Ol arapela kampani husat i mekim tu olsem na i stap long BAHA grup em Datec, Coral Sea Hotels, Bird of Paradise Hotel, Highlander, STC Hardware, STC Shipping, STC Property Divisen na Trade Winds.

BAHA i trenim Rimbunan Hijau Grup Menesa we ol i ronim wanpela trening sesen wantaim Asia Pasifik Bisnis Kolisen Egensim AIDS (APBCA) na Thailand Bisnis Kolisen Egensim AIDS (TBCA).

As tingting bilong dispela trening em long lukim ol rot we Thailand i kamapim na bihainim long abrusim sik nogut.

Moa yet BAHA i lukim olsem ol rot em Thailand i yusim long pait egensim dispela sik i gutpela na olsem em i laik lainim na bihainim.

Long Papua Niugini long wanwan ol yia ol manmeri i wok long dai long TB na HIV.

Long dispela mun BAHA i laik toksave long ol manmeri long ol pasin em ol inap long kisim TB o HIV.

Manmeri mas was gut long TB long ol hap we ol inap long kisim HIV.

TB i abrusim mak bilong HIV na i save kilim moa manmeri long Papua Niugini tasol inap long oraitim long marasin na i nogat bikpela kos long kisim marasin long em.

Samting em BAHA i wari em ol HIV sikmanmeri bai dai nating sapos ol i kisim TB. Sapos ol i no kisim TB ol i no inap long dai hariap.

Dokta Gua Tau, Sif Marasin dokta bilong TB long Pot Mosbi Jenerel Haus sik i tok planti ol manmeri husat i go long haus long kisim TB

marasin em ol i gat binatang bilong HIV/AIDS.

Ol bagarap em TB na HIV/AIDS i kamapim long kantri:

- 56,175- namba bilong ol manmeri husat i gat dispela sik long dispela taim;
- 5995- namba bilong ol lain husat i dai long sik HIV/AIDS;
- 3730- namba bilong ol manmeri husat i dai long sik AIDS na
- 3000- namba bilong ol Anti Retroviral Tritmen.

Tasol wanem samting tru i TB.

TB i sotpela nem bilong Tubakulosis (sotwin long lewa na nek).

Arapela manmeri inap long kisim sik TB sapos TB sikman i kus, toktok stret wantaim em o i serim kaikai, dring, spun, fok, plet olsem wantaim em. Ol i stap wantaim dispela sikmanmeri long rum we i pas na nogat gutpela windua long win i ron i go insait na go aut.

Na olsem BAHA i laik toksave olsem husat manmeri i gat sik TB i mas kisim gutpela skul long ol dokta long rot bilong bihainim na kamap gut. Moa yet long noken givim sik long arapela manmeri.

Sampela lukluk long bagarap em TB na HIV i mekim long wol:

- HIV/AIDS i save kilim moa long 6000 manmeri long wanpela de long wol;
- TB i save kilim 5000 manmeri long wanpela de na
- AIDS na TB i wok long kilim planti ol yangpela manmeri na ol bikpela manmeri long wok we husat inap long stap na kirapim ol wok developmen.

Long pasim kamap bilong TB na HIV kantri ol bisnis inap long joinim BAHA grup na kisim i go insait long wok ples bilong ol ol polisi bilong pasim kamap bilong sik.

PNG mas sensim pasin long sapotim wok bisnis: Holden

Paul Zuvani i raitim

LONG kirapim ikonomi na sapotim wok bisnis long kantri gavman na ol manmeri i mas sensim tingting na pasin bilong ol long mekim bisnis.

Dispela em i wanpela as we i holim bek kantri long ron gut na kamapim ikonomi na long helpim sindaun bilong ol pipel.

Dokta Paul Holden, dairekta bilong Entaprais Risets Institut long Amerika, husat i wok wantaim Esia Dvelopmen Beng olsem etvaisa long Praivet Sekta Dvelopmen seksen i mekim dispela tok long taim PNG Institut ov Nesanel Afeas (INA) i holim Praivet Sekta semina long Hideaway Hotel long sampela taim i go pinis.

Dokta Holden i tok tingting bilong ol bisnis long narapela kantri long kam insait i lukim ol i gat planti pret long kirapim bisnis.

Em i tokaut long sampela samting we sapos i stretim i ken sapotim gut wok bisnis long kantri.

Ol samting em Dokta Holden i tokaut long em:

"Ol bisnis i prèt olsem gavman i no save sindaun gut, pasin korapsen i bikpela, lo i save senis klostu, hevi bilong lo na oda, sevis i go long ol pipel i no gutpela na bisnis bilong ol i no inap kamap gut," Dokta Holden i tok.

"Ol kampani i prèt long invest long kantri long wanem Gavman i ken sensim lo bilong em hariap olsem mipela i wok long lukim long hevi i stap namel long Gavman na kamap bilong Dijisel (Digicel) na GrinCom na long kamapim wok resis bilong pawa kampani.

"Gavman i mas kamapim ol strongpela bisnis lo bai dispela i ken strongim na holim gut ron bilong wok bisnis long

kantri.

"Gavman i mas kamapim lo we ol pipel i rejisterim graun bilong ol. Nau yet i gat planti hevi i pas long toktok bilong papagraun.

"Gavman i mas kamapim ol propati rait bai dispela i ken helpim ol kampani long kisim lon long ol Beng na Gavman i mas daunim hevi bilong lo na oda.

Em I tok moa olsem gutpela na strongpela gavman i kona ston em ikonomi na ol hap bilong developmen i ken sanap long em long kirapim wok.

"Dispela em i namba wan taim stat long taim bilong Independens em wanpela gavman i stap inap long taim em i pin-isim taim bilong em long Palamen.

"Long lukim ikonomi na developmen bilong kantri i kamap gut Gavman i mas stap gut na sanap strong.

"Na taim em i sanap

em i no ken suvim het bilong em tumas long ol wok em ol bisnis i mekim, olsem wok resis namel long Dijisel na Telikom," Dokta Holden i tok.

Em i tok i gat bikpela save olsem gro bilong PNG ikonomi i no bin gutpela long las 30 yia.

Em i tok ikonomi bilong kantri bin bungim planti traim na hevi we dispela i mekim tingting bilong ol manmeri i mekim wok bisnis long kantri i liklik.

Em i tok i tru kantri i gat planti ol gutpela samting we ol develop kantri i nogat long em tasol i tok em i wok bilong Gavman long painim ol rot we em i ken tanim dispela ol samting i go long helpim ol pipel.

"Eiti pesen (80%) bilong ol manmeri i mekim tumbuna ol samting long sapotim ol yet.

Dokta Holden i tok sapos kantri i laik senis em i mas lukim dispela populesen i mekim sampela kain wok bisnis.

Nasfund helpim long mekim haus

BIHAINIM askim bilong Hausing Minista Andrew Kumbakor na Pablik Sevis Minista Peter O'Neil Nasfan i givim mani long helpim ol memba bilong em husat i mekim haus.

Mista Kumbakor na O'Neil i mekim askim long ol pablik sevens na Nasfan i fan bilong ol manmeri husat i wok long praivet bisnis tasol Nasfan i save olsem askim bilong tupela minista long ol wokman i mas gat haus i gutpela askim.

Na olsem em i kamap wantaim tingting long helpim ol memba bi-

long em long kisim mani na stretim, wokim o baim haus.

Nasfan Sif Eksekutyutiv Opisa Ian Tarutia i tok stat long 2007 ol memba husat i bin tingting long baim haus, wokim haus o stretim haus em i stat pinis long kisim helpim long dispela skim.

Em i tok ol memba i ken kisim helpim mani sapos mani bilong ol wantaim Nasfan i antap long 10 pesen win mani em Beng Saut Pasifik (BSP) i sasim long ol long kain askim bilong mekim haus.

Moa yet "bipo long ol memba i kisim helpim mani ol bai mas pasim

dispela stap bilong ol olsem memba moa long faivpela yia," Mista Tarutia i tok.

"Tasol laspela toktok bilong kisim mani i stap long han bilong Beng, i no mipela," em i tok.

"Mipela i bilip dispela i win bilong olgeta lain, i no helpim wanpela man tasol.

Sapos husat man o meri i laik kisim sampela moa stia tok i ken ringim Dickson Aopi long Nasfan long Telepon namba 324 1826 o long Aiva Ure long Telepon namba 324 1849.



KOPITRENING: Ol Kompam Koporetiv Sosaiti Famas husat I kamap long wanpela trening we CIC I ronim long distrik.

CIC givim trening long Kompam Koporetiv Sosaiti famas

KOMPIAM Distrik insait long Enga provins i laik strong kopi developmen wantaim ol gutpela plen ol i kamap wantaim long sait bilong kamapim ol kopi neseri na tu long stetim ol kopi nau ol i gat long en.

Ol dispela gutpela wok i kamap bihain long kirap bilong Kompam Koporetiv Sosaiti, husat i kamapim plen pinis long kamapim ol kopi neseri, stretim ol kopi diwai na tu stretim graun long planim ol nupela kopi.

Memba bilong Kompam

Ambum, John Pundari i givim gutpela sapot wantaim mani long strongim dispela wok developmen insait long distrik.

Kompam Ambum i save kamapim samting olsem 20,000 kopi beg long sait bilong prodaksin na dispela i save bringim mani mak olsem K5-milien igo long helpim ekonomi insait long distrik.

Long pinis bilong las yia tasol wanpela kopi trening long sait bilong lukautim kofi neseri na tu long sait bilong pikim kopi

na wasim na redim gut i bin kamap long strongim wok bilong Kompam Koporetiv Sosaiti.

Kopi Industri Koporesin (CIC) i bin go pas long ronim dispela trening long givim gutpela skul long ol famas long wok strong long kopi developmen na helpim industri insait long Kompam eria.

Wanpela wok raun bilong CIC Risets Divisen long Aiyura ito long hap long luksave long wok developmen i skelim olsem wok i ron orait tasol.

Hot i ken kilim kakaruk

Bustin Anzu i raitim

HOT i ken kilim ol kakaruk (bilong maket) o broila i dai sapos ol fama ino was gut.

Ol dispela hevi i ken bungim ol fama long ol rurool erias insait long nambis o lolen (lowland), we ples em save hot.

Insait long wanpela ripot bilong NARI, insait long Laipstok program, em i tok gutpela temperesa (temperature) bilong lukautim ol broila em namel long 4°C na 27 °C na temperesa long 50 pesen.

Taim ol i abrusim dispela mak, bai yu ken lukim ol kakaruk i kaikai liklik na ol bai pilim les na lusim skin bilong ol hariap tru.

Dispela stadi o wok painim aut em ol i bin mekim bihain long sampela ripot ol i bin kisim long wanpela haus kakaruk bilong wanpela kampani, we ol i painim planti kakaruk i dai long wanpela taim tasol, long Gobari, autsait tasol long Lae siti.

Ol laipstok opisa igo long dispela hap na mekim wok painim aut long dispela haus kakaruk na mekim wok painim aut bilong wanem na ol kakaruk i

dai olsem. Stadi bilong ol em i sut long en-vairamen o ples we haus kakaruk i sanap, mekim tes long ples bilong drink wara na askim ol wanwan man meri long dispela hap.

Dispela hevi bilong ol kakaruk i bin kamap bihain long taim ol i mekim wanpela bikpela haus kakaruk. Ol i bin lukim olsem planti ol kakaruk we klostu redi long kaikai (5 wiks) i dai namel long taim olsem 2:30pm na 4:30pm. Dispela i luk olsem taim ples i hot nogut tru na ol kakaruk i kisim taim.

Long dispela mekim wok painim aut, ol i bin lukim olsem ino gat masin bilong rekotim temperesa insait long haus kakaruk, ino gat ren, klaut i no moa stap antap na ino gat ol diwai i sanap autsait klostu bai stopim strong bilong san.

Flo bilong haus em ino simen, we em i ken kamapim kol long ol kakaruk na kamapim kol bet. Wara bilong kakaruk em i gutpela na em ino inap kamapim poisen.

Na dispela i bringim tingting olsem dai bilong ol kakaruk em long traipela san we kamapim traipela hot na ol kakaruk i dai.

Wankain hevi bilong kakaruk i bin kamap long wanpela haus kakaruk long Labu Laipstok Rises Stesin bilong NARI insait long Lae. Temperesa long dispela taim em antap moa long 34 °C.

Dispela ripot i tok taim temperesa i abrusim 27°C, ol kakaruk bai kisim planti wara, igo antap long 5-pela taim antap long taim nating ol i save kisim. Ol bai traim long kisim win na painim hap ples em i kol insait long haus kakaruk.

Ol narapela hevi bilong kakaruk long hot em, bai mekim ol kakaruk ino gro hariap na tu bai ino inap karim planti kiau.

Rot bilong karim nupela kakaruk tu bai hat na bodi bilong ol ino inap pilim gut na dispela i ken mekim ol i dai kwiktai tru.

Wanpela gutpela rot bilong daunim dispela kain hevi em long noken givim ol planti kaikai, traim na painim gutpela rot bilong ol long kisim kol win, mekim haus igat spes long kisim kol win long autsait long haus, givim planti kol wara, na sapos em i orait, traim tromoi wara long ol kakaruk na bihain putim fen long mekim ol i kol.

Ili-Waswas timba na wel pam projek

Paul Zuvani i raitim

BIHAINIM tok orait bilong Nesenel Eksekutiv Kaunsel (NEC), kampani ol i kolim Tzen Niugini Ltd bilong Malaysia i mekim wok timba long Ili-Waswas long Pomio, Is Nu Briten Provins.

Long taim em i kisim timba aninit long ol tok i stap long tok orait pepa Tzen Niugini i wokim ol rot, bris na kamapim ol agrikalsa prodak.

Kamap bilong dispela projek na ol wok Gavman i lukim olsem kampani bai bringim inap K30 milien i kam insait long kantri.

Na em bai kisim inap olsem 2000 i go inap long 3000 manmeri long wok.

Kamap bilong dispela projek i bihainim tingting bilong gavman long grin revolusen na daunstrim prosesing na velu eding long naturel risoses bilong PNG.

Long dispela as Gavman i

askim ol ejensi bilong gavman long givim sapot.

Tsen Niugini Ltd i kampani we i inkoperet wantaim Investment Promosen Atoriti na i gat planti save long mekim wok timba bihainim ol wok em i mekim long Malaysia.

Aninit long tok orait kampani i mas mekim ol rot, bris, wara saplai, eid pos, givim pawa saplai na tu kamapim wel pam projek.

Kampani bai salim ol samting

bilong em i go long ol maket long Amerika, Esia na Yurop na ol narapela hap we bihain taim ol i askim long samting.

Kampani bai yusim pawa saplai bilong em yet long saplai pawa na dispela pawa bai go tu long ol pipel, skul na haus sik we ol i stap klostu long hap we wok bilong kampani i kamap long em.

Minista bilong Nesenel Plening na Memba bilong Pomio i tok kamap bilong dispela projek bai

lukim rot na trenspot infrastraktsa bai kamap, ol pipel i ken go kamap long maket na salim samting bilong ol na level bilong ikonomi long distrik bai go antap.

Bai i gat sans bilong kamapim ol spin-ov bisnis olsem so-miling, eko-turism, riteling, agrikalsa projek, fishing projek, animal husbandri na ol arapela samting.

Dispela project bai trenim na givim nupela save long ol husat i nogat save bilong mekim wanpela samting bipo.

SPOTS POTO

bemobile tas ragbi skwad...



MIPELA YA: Tim bilong ol meri BMobile Taitens Singel Bareks husat i save pilai long Gordons Tas resis. **POTO: NICKY BERNARD**



Em bal bilong mi...

MIPELA KAM FLAI TASOL: Difenda bilong N/Petro Fox Madang i traim long rausim bal long lek bilong pilaia bilong Gelle Hills long pilai bilong ol long Mosbi. N/Petro Madang i win 2 nil. **POTO: NICKY BERNARD**

Kliaa...



KALAP GUT: Pablik seven netbol long Mosbi i wok long go strong long olgeta Sarere moning long Rita Flynn kot, olsem dispela tupela tim bilong DPE na Hahediba i wok long kilim skin i stap. **POTO: NICKY BERNARD**

Kaikai bilong strongim bodi



KAMAP STRONG: Spot manmeri mas kisim gutpela na rait kaikai long stap strong olsem yu lukim hia long PNG rana Toea Wisil.

Paul Zuvani i raitim

PAPUA Niugini i pulap long kaikai na kainkain kaikai.

Manmeri I no ken go hangre o kisim bagarap.

Long ol spotmanmeri ol i gat planti ol samting long skelim long wanem kaikai ol i laikim na wanem ol i mas abrusim.

Ol gaden kaikai i moa gutpela long ol spot manmeri i kisim. Stua kaikai i no gutpela tumas.

Gaden kaikai i gat olsem taro, banana, yam, tabioka na ol kumu olsem aibika, tulip na arapela gutpela kumu we i orait o gutpela long ol spotmanmeri i kisim.

Hia em sampela toktok i kam long Dokta Liz Applegate bilong Yunivesiti bilong California, Amerika long kain kain ol spot manmeri I mas kisim long stap strong na pilai gut.

Abus: pis- i gutpela bikos I nogat gris. Pis yet i gutpela o i helti abus. I nogat pat long em.

Prut: mango, popo, painapel na narapela gutpela prut i gutpela tu long kaikai. Ol waitman prut em bagel, bred lo fet mafin. Ol arapela samting em zink, faiba na vaitmin.

Pilai we i kisim moa long tupela aua: pilai i mas kisim ol drai kaikai olsem yogat, lo fet sis, na kreka.

Abrusim ol dispela kaikai sapos pilai i kamap klostu taim- fet kaikai, ais krim na praim kaikai.

Hai protin kaikai olsem mit, milk na ol samting i gat

mit long em.

Protin o abus

10-pela namba wan samting em Dokta Applegate i tok long em em tuna, Lentils na rais, non-fet yogat, clams, lin bif, skinless kakaruk bres, pinto bins na torillas, Salmon, Dak Turki mit na totu & bek potato.

Vestebol o kumu

Abika, aupa, kapis, sako, Brokoli, bins, kepsikum, tomato na planti arapela sior i gutpela. Tasol ol i no ken ol kumu we i bagaraman.

Fet o gris

Fet i wanpela bikpela samting long laip. Fet i helpim bodi long em i no ken drai na tu strong long bodi long stap. Tasol em i wanpela samting we man i kaikai bodi bai isi isi tru long kisim i go insait long bodi bilong em.

Em i ken stap long bodi inap 72 aua o tripela de bipo long bodi i rausim.

Ol kaikai bilong kaikaim bipo long resis

Taim bilong pilai i redi bipo long pilai o resis i kamap em long wanpela wik bipo long resis i kamap. Kaikai samting olsem 2500-4000 mak bilong ol kaloris o kaikai i gat gris long em. Dispela i givim olsem 450+ grem ol kaboaidrets na 80 grem protin. Taim de bilong resis I kam klostu makim bilong kisim kaikai i mas kamdaun.

Stap insait long ol wei yu

save kaikai long spot laip bilong yu. Noken harim gris toktok bilong ol man na kisim ol samting we yu no mas kisim. Kaikai 2-4 aua bipo long resis i kamap. Kisim kaikai olsem bagel na jam, banana, spot dring, rais na poteto.

Wei bilong kisim bek strong

Taim pilai i tren na pilai bodi bilong em mekim planti hatwok na olsem em i nidim long kisim malolo. Sapos bodi i no kism bek strong em i ken painim bagarap isi o i no inap long mekim gut olsem em i save mekim long em.

Long dispela as ol i mas kaikai inap na kisim inap taim bilong malolo.

Lusim planti tuhat

Planti ol ekseais na pilai i save mekim ol manmeri i lusim planti tuhat.

Ol gutpela pilai i save kisim kaikai long was long ol na i save larim inap taim bilong ol long malolo.

Taim bilong kisim malolo o silip

Pilai husat i no kisim malolo long dispela nait bipo long em go resis i ken mekim em i skin i dai long pilai spot.

Silip em i gutpela long pilai long wanem em i taim bodi i gro na rop bilong bodi i traim long kamap orait bihain long pilai o trening.

Ol krismas na ol aua em ol manmeri i mas kisim long malolo em nain (9) yia manki em 10 ¼ aua silip, 10-11 yia krismas i mas

kisim 9 ¼ silip, 12 yia krismas 9 ¼ silip, 13 + yrs 9 na 16-20 yia krismas em 8-9 aua.

Tumas trening

Tumas trening i ken mekim bodi i pilim les. Dispela i ken soim tu olsem bodi i no bin kisim inap taim bilong kisim bek strong.

Planti taim ol trening grem bilong ol spot i planti tumas we i lukim bodi i no inap long kisim olgeta na olsem em i sot long go moa yet.

Taim yu pilim olsem bodi bilong yu i pilim les sekim blut reit bilong yu long taim yu kirap long bed. Sapos yu pilim olsem blut bilong yu pam planti orait yu mas givim bodi bilong yu taim bilong malolo.

Ol rong samting long kisim long strongim bodi

Wankain olsem olgeta manmeri i save mekim long wan wan de ol spotmanmeri i ken abrus long kisim ol samting we ol i no mas kisim.

Ol kain samting olsem kaikai planti, i no kaikai planti na laik kaikaim kaikai yu laik tasol na i no ol arapela kaikai. Dispela em Dokta Applegate i tok i ken givim hevi long spotmanmeri.

Ol pikinini i mas kaikaim moa ol kainkain, gutpela kaikai. Disepla em long gro bilong ol, long ol i ken kisim strong long lainim ol samting na pilai na sapos ol i kamap gutpela dispela bai i helpim ol long i gat strongpela bodi bihain.

Stadi i soim olsem ol man i ken gro moa yet taim ol i kisim 20 krismas na ol meri i gat taim yet long gro maski ol i kisim 20 krismas.

Strong i save kam long kaikai. Na sapos manmeri i no kisim kaikai orait bodi i nogat strong long mekim wok.

Abus tu i save givim strong tu. Sapos i nogat inap kaikai orait manmeri i mas kisim abus o sampela fet long givim ol strong.

Olgeta manmeri i mas kaikai long stap laip. Sapos nogat bai laip i lus. 4-10 yia krismas i nidim inap kaikai long stap. Sapos nogat ol bai i no inap kamap gut.

Bigmanmeri i orait em i ken strongim skin inap long taim sapos kaikai i kamap o i redi.

Bodi i nidim kaikai na abus long taim bilong gro na long taim bilong sikmun

Gordons Tas paia lait!

Nicky Bernard i raitim

GORDONS maket em i ples we planti manmeri long Mosbi i save wari liklik long kain kain bikhet pasin i save kamap long hap. Tasol wanpela gutpela samting we i wok long pulim na bungim wantaim planti ol yangpela na famili long Gordons em tas ragbi resis bilong ol.

Long dispela Gordons Tas kompetisen, planti ol biknem lig na yunion pilai i kamap long en.

Willie Yougomin, man husat i save stap long Gordons longpela taim i kamapim dispela tas resis gen na em i putim sampela suga i go insait long

mekim olsem ol meri tu mas gat tim long pilai long dispela resis.

Nau dispela Gordons Tas resis i gat 10-pela tim bilong ol man A na B gret na 8-pela tim bilong ol meri, ol lain long Erima tu i gat 2-pela tim bilong man na wanpela bilong meri husat tu save resis long dispela kompetisen.

Mista Yougomin i tok em statim dispela resis long wanem, em i lukim ol yangpela mameri i wok long stap nating na save givim hevi long komyuniti, olsem na em statim dispela resis gen long mekim ol yangpela manmeri i gat samting long mekim long wiken.



Laip bilong Judith Meauri

Nem:	JUDITH MEAURI
De mama karim:	5 Epril, 1992
Ples mama karim:	Mosbi Jenerel Haussik
Papa:	Joe Meauri
Rapa Viles:	Bereina Distrik, Sentrel Provins
Mama:	Evie Meauri
Viles:	Uritai Viles, Galp Provins
Skul i stap long em:	Gred 12 Gordons Sekenderi
Spot i stap long em:	Swimming
Yia statim dispela pilai:	2002
Klab i stap long em:	Boroko Swimming Klab
Kosa:	Liz Wells
Iven i save laikim:	Bekstrok na fristail
SWAT i stap long em	
long PNGSI:	PNG Taget Skwat

BIKPELA pilai i bin stap long em: 2005 Arafura Gems, 2006 Melbon Komenwel Gem, 2007 Samoa Pasifik Gem Team, 2008 Beijing, Saina Olimpik Gem.

Bikpela pilai i redi long em: 2010 India Komenwel Gem, 2011 Solomon Ailan Pasifik Gem na 2012 Inglan Olimpik Gem.

Ol iven i resis long em: 100m bekstrok, 100m fristail, 50m fristail, 50m bataflai, 50m brestrok, 50m bekstrok na 200m individual medli.

Tingting i gat long dis-

pela ol pilai: Judith i no meri bilong toktok planti na i save sem long toktok tu tasol taim i askim long tingting bilong dispela pilai em i tok: "Mi save laik swim na mekim gut long ol tren- ing na resis bilong mi. Sapos i gat samting mi mas mekim em mi mas mekim gut na stret.

Toktok long ol arapela husat i laik swim tu:

Tren na swim gut. Sapos yu laik mekim gut orait yum as harim tok na bihainim ol i stap tren na resis.

Toktok bilong kosa Liz Wells: Judith i wanpela pi- laia husat i save wok hat

na oltaim i save gat tingting bilong mekim na pinisim gut wanem trening em i mekim na resis i go long em. Em i save pas tru long trening bilong em. Long ol yia i kam i bin mekim bikpela senis long mak bi- long swim bilong en na olsem Papua Niugini Swimming Inkoporesen i putim em wantaim ol ara- pela namba wan swima long PNG Taget Skwat bi- long em. PNGSI i save olsem wantaim sapot i kam long papamama na klab wantaim Judith i gat planti ol gutpela yia bilong pilai i stap yet.



Judith Meauri (antap) swim resis long wanpela iven na (Lephan) i soim medol em i bin winim long dispela swim resis. (raithan) i ritim pepa.



SPOT RAUN

WANTAIM

Scott Vavine, ML



Skul Spot Progreem bilong yia

NAU taim skul yia i op pinis, yumi sekim wanem samting i kamap insait long tingting bilong ol tisa na spot masta bilong ol skul.

I no isi samting long plenim gut skul spot progreem bilong yia. Ol dispela kain plen em i mas redi pinis pastaim long 2009 skul yia i laik pinis.

Tasol mi bai givim liklik tok stia long yupela bai yupela i ken yusim long skul bilong yupela.

Ol dispela tok stia na aidia em yu ken kisim na bihainim o nogat. Em i laik bilong yu. Astingting long mi givim ol long yu em bai yu gat sampela kain gaitlain o stia long bihainim taim yu mekim plen bilong skul bilong yu long bihainim.

Namba wan bikpela samting em long gat plen we i bihainim ol spots risos long skul bilong yu. Taim mi tok risoses bilong skul bilong yu, em mi minim ol samting olsem mani, spots ikwipmen, na ples bilong pilai spots, na tu ol manmeri bilong helpim yu long mekim kamap ol gutpela spot pilai.

Taim yu sekim pinis olgeta ol dispela risos samting, em nau bai yu mas painimaut wanem kain ol spots ol sumatin i save laikim. Dispela bai helpim yu long pulim gut ol spot pilai long ol wik, na bihain long ol mun tu. Yu mas plenim ol spot pilai bihainim level bilong ol sumatin, na save bilong ol long pilaim ol dispela spot pilai.

Ol dispela spot pilai bai helpim gut ol tisa i save tisim pisikal edukesen. Plen bilong yia bai helpim ol long kamapim ol PE progreem bilong ol.

Taim plen bilong yu i pinis, yu mas autim long olgeta tisa na kisim tingting bilong ol long en pastaim long yu mekim fainal draf.

Wantaim olgeta tenis na stretim, fainal draf bai kamap na yu ken salim i go aut long olgeta tisa husat i mas i gat kopi bilong dispela plen.

Wok bilong yu em bilong givim ol risos i stap long olgeta tisa long yusim. Mani i mas redi, olgeta ikwipmen i mas stap, na ples bilong pilai spot i stap fri, na tu, olgeta manmeri i redi long karimaut spot plen bilong yu.

Hetmasta na ol Bod Membra tu i ken sapatim progreem. Komyuniti tu i mas luksave na kam insait na helpim wantaim skul spots progreem. Astingting em bilong wok bung wantaim olgeta manmeri long komyuniti.

Ol dispela risos em komyuniti i ken givim we skul i nogat. Yu mas oltaim traime na yusim komyuniti na ol arapela stekholda insait long komyuniti.

SP Brewery givim K245,000 long PNG Golf Open

JAMES KILA i raitim

SP BREWERY long namba tri yia nau i givim sapat long PNG Golf Open.

Las wik Fonde, SP i tokaut long halivim bilong dispela yia wantaim K245,000 long ol pilaia i pilai insait long kompetisen.

Nupela Komesal Menesa bilong SP Brewery, Artem Zyabkin i tokaut olsem dispela yia gen SP Brewery bai sapatim tonamen we em i tok ol i laik bringim ol top o nambawan pilaia i kam long ol kantri olsem Australia, Fiji, Indonesia, Japan, Korea, Malaysia, New Caledonia (Nu Kaledonia), New Zealand (Nu Silan), Singapore, Taiwan na Thailand (Taiwan).

Long dispela yia Saut Pasifik Ekspot PNG Golf Open bai kamap long Epril 28 i go Me 2 long Mosbi.

Long las yia moa long 60 ol profesenal pilaia insait long rijen i bin kamap long Mosbi long pilai long dispela sempionsip.

Mista Zyabkin i tok olsem



SEKIM SWING: Komesal Menesa bilong SP Brewery Mista Zyabkin i holim golf stik na redi long paitim bal i go long bikpela sek mani em dairekta bilong PNG Open Golf, Gary Haora i sindaun holim. *Poto: Nicky Bernard.*

SP Brewery bai wok klostu wantaim PNG Golf Open Komiti Siaman Gary Haora long lukim olsem dispela sempionsip bai kamap gut

long dispela yia.

Mista Haora i givim bikpela tok tenkyu long SP Brewery na tok olsem dispela sek mani we i sanap

olsem \$AUS110,000, em i gutpela sponsasip tru long tonamen bilong dispela yia.

Mista Haora i tok bilong tingting bilong komiti long mekim kamap PNG Open em long bringim moa ol top o profesinol pilaia bilong ovasis long kam long PNG long pilai na tu bringim kamap bikpela dispela tonamen long rijen.

Man husat i makim maus bilong PGA Australia, Kwinslen Tonamen Dairekta, Broc Greenhalgh, i tokaut olsem South Pacific Ekspot Laga PNG Open long yia 2008 i bin winim "Tonamen of the Year" awot na Pot Mosbi Golf Klap na ol pipel bilong PNG i mas amamas long dispela samting.

Long las yia gen ol i putim nem o nominetim gen PNG Open Golf na nau yet olgeta ai na bilip bai lukluk long Kwinslen Golf Industri Awot long Tunde, Mas 2 long dispela yia long lukim sapos PNG bai winim gen dispela awot o nogat.

Ipatas kap trail pilai go het

Bustin Anzu i raitim

OL TIM bilong Lae siti husat bai pilai long Ipatas Kap long 2010 i go het wantaim ol trail pilai bilong ol.

Long las wiken, ol foapela tim bilong Lae; PNG Ink and Toner, Kamkumung Crushers, Lae

Biscuit Morobe Tambuaks na Lae Magani i bin pilai long wiken we planti manmeri na sapatas bilong ol i go daun long Lae ragbi lig pilai graun long lukim.

Maina primias bilong Lae ragbi lig Royals i bin pilai wantaim Tambuaks na Lae Magani i bin pilai wantaim Crushers.

Long dispela pilai namel long Royals na Tambuaks, Tambuaks i bin winim ol polisman 20-16. Royals i bin wokim sampela gutpela bal wok long winim ol Tambuaks tasol ino inap. Ol Tambuaks igat sampela ol pleyas husait i save pilai long Lae Bombers i stap insait.

Long narapela gem, namel long Crushers na Magani, ol Magani i winim Crushers long tupela poin tasol, 10-8.

Crushers, wanpela strongpela tim long Lae, husat i saplaim planti mangi bilong ol igo pilai wantaim Enga Mioks long Be mobile Kap (bipo SP) long las yia.

Solomon Ailans bai helpim Hekari

■ ikam long pes 28

Waita na Mamae, tupela wantaim i bin pilai long Nu Silan long 2008 sisen na nau tupela i save pilai long Makuru FC long Solomon Ailan. Tupela bai kam wantaim ol pawa long mid fil.

Mamae bai mekim planti stail long wanem, dispela liklik man, olsem hap bek bilong ragbi lig, i ken mekim planti stail we, em i ken

mekim ol birua bilong em i paul olgeta.

Ol stail bilong em long pasim bal, yu mas stadi long em pastaim bipo long yu rausim bal. long dispela as na Hekari i bin pulim em i kam long pilai.

Ngaita em narapela pilaia we i gat spit na pawa long beksait na Mela wantaim Waroi, tupela wantaim i filim olsem tupela mangi Mosbi.

Tupela bai go pas long ol

narapela Solomon Ailanda taim ol i bungim Tafea.

Narapela tupela pilaia bilong Fiji winga Luimasi Manuca na straika Pita Bolaitonga bai joinim dispela ol mangi wantok long mekim mak bilong ol long soka resis.

Ol papa graun yet olsem David Muta, Andrew Lepani, Kema Jack na Erick Komeng bai i no inap larim dispela sans intanesinol pilai i

abrusim ol.

Ol i bin pilai resis long las yia na ol i lus long ol liklik poin tasol. Olsem na ol i no laik dispela sans pilai bai lusim ol.

Ol i mas soim kala bilong ol tu olsem ol i gat luksave.

Muta na Foster, em narapela tupela mangi asples long strongim Hekari long beks na fowet.

Pawa lek bilong Foster em kosa Tommy Mana bai nidim

long taim bilong riplermen.

Tafea em i wanpela sempion tim bilong Vanuatu.

Em i winim lokol primiasip bilong ol planti taim pinis na i no gat narapela tim i save makim Vanuatu long O-Lig, Tafea tasol.

Ol i save pilai planti taim long O-Lig na ol i gat ekspriens tasol Hekari i bin pilai wantaim ol long namba wan raun na luksave long eria we ol i slek long en.

Ol i bin dro wantaim Hekari long Vanuatu 3-3 long asples bilong ol yet. Tasol nau, bai ol i pilai wantaim Hekari long Pot Mosbi na i no asples bilong ol. Ol bai kam wantaim sampela gutpela plen long winim Hekari.

Tafea tu i save olsem Hekari em olgeta mangi long narapela hap kantri olsem Fiji na Solomon Ailan i pilai na ol bai kisim bikpela was stret.



S P O T S



Isu 1852

Wan wik: Fonde, Februeri 11 - 17, 2010.

back to school
K500,000
cash rewards
 helping you with "Back to School" expenses.

- Top up your bemobile with K5 or more and you automatically go in the draw.
- The more you top up, the more chances you have to win!
- 1000 prizes of K500 each to be won.

Winners will be announced weekly in daily newspapers and via SMS. Promotion commences on January 11th and closes February 28th 2010.

phones from only K29

bemobile toktok moa

Solomon Ailans bai helpim Hekari

Bustin Anzu waitem

OL MANGI Solomon Ailans, husat i save pilai long Hekari Yunaited bilong Pot Mosbi bai givim olgeta strong bilong ol long dispela bikpela pilai resis, O-Lig, we bai kamap long Pot Mosbi long dispela wiken.

Tim Menesa Vonnie Kapi Natto i tok em i kisim ol pleya long ples bilong em yet long wanem, dispela pilai em i wanpela bikpela pilai na ol i mas winim dispela pilai.

Wantaim dispela i gat sampela hevi i bin stap namel long ol mangi bilong PNG yet na ol i lukluk long ol mangi Solomon Ailan.

"Ol mangi asples yet i no stap wantaim na harim tok long taim mipela i stap long hevi olsem na ol i mekim tim i no amamas olsem na mi kisim ol mangi long ples bilong mi yet long strongim na sapotim dispela tim," em i bin tok.

Hekari i gat bikpela tingting long winim dispela gem na putim olgeta ai na tingting long mekim samting stret.

Olsem na ol i kisim ol 7-pela pilaia bilong Solomon Ailan i kam long givim ol dispela sapot.

Ol pilaia bilong Solomon Ailan husat we Hekari i kisim ol i kam long stat bilong dispela yia em Henry Fa'arado, Alick Mamae, Stanley Waita, Eddie Ngatia na nesanel difenda

Gideon Omokirio.

Ol mangi husat i save stap pastaim na pilai wantaim Hekari em Benjamin Mela na Joachim Waroi.

Ol dispela em ol nem pilaia na i ken mekim sampela senis long pilai bilong Hekari. Ol tu i save pilai long ol sampela ovasis klab tu na nau i kam stap wantaim Hekari.

Long ol dispela, Omokirio, kepten, tasol em wanpela eksperiens difenda. Em i save pilai long bis soka na representim Solomon Ailan planti taim i go pinis. Tim bilong em KOSA i bin stap insait long O-Lig tu na em i gat sampela eksperiens long dispela ol kain pilai. Eksperiens bilong em long beks em Hekari laikim.

Straika Fa'arado husat i save pilai long Perth Glory na Melbourne Altona United long Australia bai pas gut wantaim Kema Jack. Em i ken spit na pairapim umben bilong ol birua.

■ igo moa long pes 27



Luimasi Manuca: Lukaut long dispela mangi, em i gat spit long setim man bilong skoa. Ol Poto: BUSTIN ANZU

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.
 Phone 325 3185. Fax 325 0190.
 Email sales@johnstons.com.pg."